


DS
735
A2Y86
1771a
V.14



御批歷代通鑑輯覽卷之二十七

後漢

孝獻皇帝

庚辰建安五年春正月曹操殺車騎將軍董承遂擊劉備破之備奔冀州

董承智不及王允而欲效
圖卓之舉非獨自殺其身
適足以危其主所謂志可
矜而智不逮者也然操之
得入本由董承與正名討
賊者不可同日語矣

董承等謀洩曹操殺之皆夷三族操欲自擊劉備諸將
皆曰與公爭天下者袁紹也今紹方來而棄之東紹乘
人後若何操曰劉備人傑也今不擊必爲後患郭嘉曰
紹性遲而多疑來必不速備新起衆心未附急擊之必
敗操師遂東田豐說袁紹曰曹劉連兵未可卒解公舉
軍而襲其後可一往而定紹辭以子疾豐舉杖擊地曰

司豐乘虛迭出之謀與晉
初瑩三駕微楚之術同瑩
計行而晉竊豐不用而紹
亡明人所見豈同成事在
乎審勢信矣

嗟乎遭難遇之時而以嬰兒之病失其會惜哉事去矣

操擊劉備破之獲其妻子進拔下邳禽關羽備由青州

奔袁紹袁譚故備茂才也以步騎迎備至平原遣使白紹紹去鄴二百里迎之

二月曹操還官渡袁紹進軍黎陽夏四月紹遣兵攻白馬

注見前操擊破之斬其將顏良文醜

操還官渡紹乃議攻許豐曰曹操既破劉備則許下非復空虛且曹操

善用兵衆雖少未可輕也今不如以久持之據山河之固擁四州之衆簡其精銳乘虛迭出救右則擊其左救

左則擊其右我未勞而彼已困不及三年可坐克也紹不從豐復彊諫紹以爲沮

衆械繫之于是移檄州郡數操罪惡陳琳爲之辭二月進軍

黎陽沮授臨行會其宗族散財與之曰軍之破敗在此舉矣揚雄有言六國蚩蚩爲羸弱姬其今之謂乎

紹遣顏良攻白馬沮授曰良性促狹雖驍勇不可獨任

紹不聽。四月，操引軍兼行，趣白馬。良來逆戰，關羽望見

良麾蓋，策馬刺良于萬眾之中，斬其首而還。紹軍莫能

當者，遂解白馬之圍，徙其民而西。紹渡河追之，沮授諫

紹復不從。按臨濟，歎曰：上盈其志，下務其功，悠悠黃

至延津。杜預左傳注：陳留酸棗縣。南，操勒兵駐營南阪。

下，令騎解鞍放馬。用荀攸計，陳輜重餌敵。紹騎將文醜

與劉備將五六千騎前後至。諸將曰：「可上馬。」操曰：「未也。」

有頃，騎至稍多，或分趣輜重。操曰：「可矣。」乃皆上馬，縱擊

大破之，斬醜。醜良皆紹名將，再戰斬之。紹軍奪氣。初，曹

關羽之為人，而察其無留意，使張遼以其情問之。羽歎

曰：吾極知曹公待我厚，然我受劉將軍恩，誓以共死，不

可背之。要當立效，以報曹公，乃去。」遼以報操，操義之。

辭而奔劉備于袁軍。左右欲追之。操曰。彼各為其主。勿追也。

孫策卒。弟權代領其眾。

策欲乘虛襲許。部署未發。會先所殺吳郡太守許貢奴

客。初貢為朱治所逐。南依山賊嚴白虎。策皆擊殺之。貢奴客欲為報仇。因策出獵。伏篲竹

中射之。中頰。創甚。召張昭等謂曰。中國方亂。以吳越之

眾。三江。韋昭曰。吳淞江。錢塘江。浦陽江也。考三之固。足

以觀成敗。公等善相吾弟。呼權。佩以印綬。謂曰。決機于

兩陳之間。與天下爭衡。卿不如我。舉賢任能。各盡其心。

以保江東。我不如卿。遂卒。時年二十六。權悲號未視事。昭曰。

孝廉。此寧哭時邪。乃易權服。扶上馬。使出巡軍。上表朝

廷。下移屬城。中外將校。各令奉職。周瑜自巴邱。初策定豫章。分

田豐說袁紹劉備說劉表同欲乘虛襲許而紹表皆庸材不能用即令其說行亦未必能集事也孫策用兵足與操埒使鼓行直入操將有首尾不相顧者適會策卒操遂得從事中原亦時數為之歎

置廬陵郡。留瑜鎮巴山。裴松之曰。瑜所鎮。今巴邱縣也。考巴邱縣。晉屬廬陵郡。梁改曰巴山。故城在今江西撫州府。將兵赴喪。留與張昭共掌衆事。時流寓之士。皆以安危去就爲意。未有君臣之固。昭與瑜等。謂權可與共成大業。遂委心而服事焉。

秋九月庚午朔日食。

袁紹攻曹操于官渡。冬十月。操襲破其輜重。紹軍大潰。

袁紹軍陽武。

秦置縣。兩漢列代皆因之。今屬河南開封府。

沮授說曰。北兵雖

衆。而勁果不及南。南兵雖精。而資儲不如北。南幸于急

戰。北利在緩師。宜徐持久。曠以日月。紹不從。進營稍前。

東西數十里。操亦分營與相當。遂合戰。操軍不勝。復還

堅壁。

紹爲高櫓。起土山。射營中。營中皆蒙楯而行。操乃爲霹靂車。發石擊紹樓。皆破。紹又爲地道攻操。操

輒于內爲長塹拒之。操衆少糧盡。士卒疲乏。乃與荀彧書。議欲還

許。彧報曰。紹悉衆聚官渡。欲與公決勝敗。公以至弱當

至彊。若不能制。必爲所乘。是天下之大機也。且紹能聚

人而不能用人。情見勢竭。必將有變。此用奇之時。不可失

也。操乃堅壁持之。紹運穀車數千乘。至官渡。操擊燒之。

十月。紹復遣軍運穀。使淳于瓊等將兵送之。沮授請別

爲支軍于表。支。別表也。以絕曹操之鈔。紹不從。瓊宿烏巢。

澤名。在延津縣東南。去紹營四十里。會許攸怒紹奔操。說操襲瓊。

先是。許攸謂紹曰。曹操悉師拒我。許下勢必空弱。若分

遣輕軍。星行掩襲。許可拔也。許拔。則奉迎天子。以討操。

操成禽矣。紹不從。會攸家犯法。審配收繫之。攸怒。遂奔

操。操聞其來。跣出迎之。撫掌笑曰。子卿遠來。吾事濟矣。

既人坐。謂操曰。今有幾糧乎。操詭言可支一歲。既曰。半

歲。攸皆以爲不實。操乃曰。向言戲之。其實可支。可爲

之奈何。攸曰。袁氏輜重萬餘乘。在故市烏巢。屯軍無嚴備。若輕兵襲之。燔其積聚。不過三日。袁氏自敗也。操大喜。乃留荀攸。曹洪守營。自將步騎五千。用袁軍旗幟。銜枚縛馬口。夜從間道出。人抱束薪。至屯放火。瓊營驚亂。操急擊之。紹聞操擊瓊。謂其子譚曰。就操破瓊。吾拔其營。彼固無所歸矣。乃使其將張郃字儁乂。河間鄭人。等攻操營。而但遣輕騎救瓊。騎至烏巢。操士卒殊死戰。大破之。斬瓊等。盡燔其糧穀。張郃等攻操營不能下。聞瓊已破。乃焚攻具。詣操降。于是紹軍驚擾。大潰。紹及譚等幅巾乘馬。與八百騎渡河。操追之不及。盡收其輜重圖書珍寶。餘衆降者。操盡阬之。前後所殺七萬餘人。沮授為操軍所執。大呼曰。授不降也。操與之有舊。遂赦而厚遇焉。授尋謀歸袁氏。操乃殺之。操收紹書中。得詐下及軍中人書。皆焚之。

既知不用公言而致敗
乃以見笑殺之如此矜忌
其得善終幸矣尙冀子能
克家哉

之曰當紹之彊孤猶不能自保況衆人乎紹走至黎陽北餘衆稍復歸之既

還遂殺田豐

或謂田豐曰君必見重矣豐曰公貌寬而

不望生紹還謂僚屬曰吾不用田豐言果爲所笑遂殺之紹外寬雅有局度喜怒不

形于色而性矜懷自高短于從善故至于敗

冀州城邑多降于操

紹歸復擊定之明年夏操揚兵河上擊破紹倉亭軍

有星孛于大梁

晉書天文志自胃七度至畢十度曰大梁之次

以孫權爲討虜將軍

曹操聞孫策死欲因喪伐之張紘諫曰乘人之喪既非

古義若其不克成讐棄好不如因而厚之操卽表權爲

討虜將軍領會稽太守操欲令紘輔權內附乃以紘爲

會稽都尉紘至吳太夫人以權年少委紘與張昭共輔

之。絃思惟補察。知無不為。魯肅將北還。周瑜止之。曰。薦子權。權與語。悅之。引肅合榻對飲。問計。肅曰。漢室不可復興。曹操不可卒除。為將軍計。惟有保守江東。以觀天下之釁耳。若因北方多務。勦除黃祖。進伐劉表。竟長江所極。據而有之。此王業也。張昭毀肅年少。龕踈。權益貴重之。

張魯據漢中。

後漢郡治南鄭。注見前。

張魯以劉璋闇懦。不復承順。璋怒。殺其母及弟。魯遂據

漢中。

魯以鬼道教民。自號師君。其來學道者。初皆名鬼卒。受本道已信。號祭酒。各領部眾。犯法者。三原。然

後行刑。不置長吏。皆以祭酒為治。民夷便之。

後復襲取巴郡。

後漢郡治江州。注見前。朝

延力不能征。遂就寵。魯為鎮民中郎將。領漢寧。

章懷注。建安二

太守通貢獻而已。魯雄據巴漢垂三十年。

六年春三月丁卯朔日食。

秋九月曹操擊劉備于汝南備奔荊州。

先是袁紹遣劉備畧汝南。汝南黃巾劉辟叛操附郡縣

多應之曹操遣曹仁字子孝擊備備走還紹軍。陰欲離

紹乃說紹南連劉表紹遣備將本兵復至汝南與龔都

等合操遣其將蔡陽擊之為備所殺。事在五年至是操自將

擊備備奔劉表。都等皆散表聞備至自出郊迎以上賓禮待

之益其兵使屯新野。已而表遣備北侵與曹操將夏侯

伏兵。一旦自燒屯為通厚與禁等追之為伏兵所破備

在州數年當十表起至州慨然流涕表怪問備備

曰吾嘗身不離鞍戰肉皆消今不復騎解裏肉生

日月如流老若至矣而功業不能建是以悲耳

七年春正月。曹操復進軍官渡。夏五月。袁紹卒。幼子尚襲行州事。長子譚出屯黎陽。操攻敗之。

袁紹慙憤。發病嘔血卒。初紹有三子。譚字顯思。熙字顯雍。尚

甫。字顯甫。紹後妻劉氏愛尚。紹欲以為後。乃以譚繼兄後。出

為青州刺史。沮授諫曰。世稱萬人逐兔。一人獲之。貪者其始此矣。紹曰。吾欲令諸子各據一州。以視其能。于是使熙為幽州刺史。甥高幹為并州刺史。逢紀審

配素為譚所疾。辛評陽翟人。郭圖字公則。潁川人。皆附于譚。而與配紀有隙。及紹卒。眾以譚長。欲立之。配等恐譚立而

評等為害。遂矯紹遺命。奉尚為嗣。譚至。不得立。自稱車

騎將軍。屯黎陽。尚少與之兵。而使紀隨之。譚求益兵。配

等不與。譚怒。殺紀。曹操攻譚。尚自將助之。與操相拒。譚

等不與。譚怒。殺紀。曹操攻譚。尚自將助之。與操相拒。譚

尙數敗。尙遣其將郭援、高幹共攻河東。發使與馬騰等連兵援所經城邑皆下。河東郡吏賈逵守絳。援攻之急。父老約援不害逵。乃降。援許之。既而使逵爲將。逵不屈。援怒。將斬之。或伏其上以救之。吏民皆乘城呼曰。負約殺我賢君。寧俱死耳。援乃囚逵壺關。有祝公道者。夜盜出之。援軍至平陽。鍾繇遣使說馬騰爲言利害。騰乃遣其子超將兵與繇會。援將渡汾爲營。濟未半。繇擊大破之。援。繇之甥也。校尉龐德斬之。繇見其頭而哭。德謝繇。繇曰。援雖我甥。國之賊也。何謝之有。繇。漢縣。後漢曰絳邑。卽春秋晉新田。注見前。賈逵字梁道。襄陵人。馬超字孟起。龐德字令明。南安狁道人。狁音桓。權不受命。

瑜不獨持論。僞爽相。更實中事。理使瑜不死。東吳必無桶匠質子之事。孫權其亦中材耳。

曹操下書責孫權任子。權召羣僚會議。張昭等猶豫不決。權引周瑜詣吳太夫人前定議。瑜曰。昔楚國初封。不滿百里。繼嗣賢能。廣土開境。遂據荆揚。至于南海。傳業延祚。九百餘年。今將軍承父兄餘資。兼六郡之衆。兵精

糧多。將士用命。鑄山煮海。境內富饒。有何逼迫而欲送質。質一入。不得不與曹氏相首尾。與相首尾。則命召不得不往。如此見制于人。極不過一侯印。僕從十餘人。車數乘。馬數匹。豈與南面稱孤同哉。不如勿遣。徐觀其變。若曹氏能率義以正天下。將軍事之未晚。若爲暴亂。彼自亡之不暇。焉能害人。吳太夫人謂權曰。公瑾議是也。公瑾與伯符同年。小一月耳。我視之如子。汝其兄事之。遂不送質。

癸未八年春二月。曹操攻黎陽。譚尙敗走。夏四月。操追至鄴。還。譚攻尙不克。

曹操攻黎陽。譚尙敗走。還鄴。操追至鄴。諸將欲遂攻之。

意則相保緩則相爭郭嘉
之論與卡莊事同然譚向
之相殘乃踵武紹術之操
天道好還信哉

郭嘉曰。袁紹愛此二子。莫適立也。今權力相侔。各有黨
與。急之則相保。緩之則爭心。生不如南向荊州。以待其
變。變成而後擊之。可一舉定也。操曰。善。留賈信守黎陽
而還。譚謂向曰。今曹軍退。人懷歸志。及其未濟。出兵掩
之。可令大潰。此策不可失也。向疑而不許。譚大怒。攻向。
譚敗。引兵還南皮。譚別駕王修。自青州來救譚。譚欲更
還攻向。修曰。兄弟者。左右手也。今與
人鬪。而斷其右手。曰。我必勝。其可乎。夫棄兄弟而不親。
天下其誰親之。譚不從。南皮。注見前。王修。字叔治。北
海營
陵人。

秋八月。曹操擊劉表。向圍譚于平原。冬十月。操還救却之。
曹操擊劉表。軍于西平。漢縣。歷代因之。今
屬河南汝寧府。袁向攻袁譚。
大破之。譚奔平原。向圍之急。譚遣辛毗。字佐治。
評之弟。詣操請

救。劉表以書諫譚，勸其捐忿思義。又與尚書曰：「青州天
性峭急，迷于曲直。君當先除曹操，以卒先公之恨。事
定之後，乃議其曲直之計，不亦善乎？」若迷而不反，則是
韓盧東郭，自困于前，而遺田父之獲也。譚尚皆不從。
韓盧，良犬；東郭，狡兔。戰國策：韓盧逐東郭，騰山
者五，環山者三，犬兔俱疲，各死其處。田父見而獲之。毗
至西平，諸將皆疑，荀攸勸操許之。諸將多以劉表方彊，
下方有事，而表坐保江漢之間，其無四方之志可知。袁
氏據四州之地，帶甲數十萬，使二子和睦以守其成業，
天下之難未息也。今兄弟構惡，其勢不兩全。若有所并，
則力專，力專則難圖也。及其亂而取之，天下定矣。操從
之。後數日，操更欲先平荊州，使譚尚自敝。辛毗復說操
操謂毗曰：「譚必可信，尚必可克。」毗曰：「明公無問信與
詐也，直當論其勢耳。」袁氏兄弟讎鬭，連年戰伐，今往攻
鄴，尚不還救，即不能自守，還救即譚踵其後，此乃天亡
尚之時也。天以尚與明公，明公不取而伐荊州，失用兵
之本矣。乃許譚平。十月，操至黎陽，尚聞操渡河，乃釋平
原還鄴，操引軍還。

甲申九年春二月袁尚復攻譚夏四月曹操攻鄴秋七月尚還戰敗走幽州操遂入鄴自領冀州牧

正月曹操濟河遏淇水

出河南懷慶府林縣西山流入淇縣東南入衛

入

白溝

今淇水入衛自濬縣以下謂之白溝水經注淇水逕宿胥故瀆東流為白溝是也王幼學為智舒以

為宋遼分界之白溝考此河在今直隸新城雄縣去淇水甚遠無由得入其說非是以通糧道二

月尚復攻譚審配諫不聽乃留配守鄴四月操至鄴為

土山地道以攻之又攻絕其糧道五月鑿堦圍城周圍

四十里初令淺示若可越配望見笑之不出爭利操一

夜濬之廣深二丈引漳水

水經注漳水過鄴縣西

以灌之城內餓

死者過半七月尚還救鄴

先使李孚入城孚祈問事杖繫馬邊自著平上幘投暮詐

稱都督歷北圍而東呵責守圍將士隨輕重行罰遂歷操營前至南圍責怒守者收縛之遂開其圍馳到城下

李孚出入嚴圍固自狡猾操付之一笑所謂因計用計也以此為操軍紀之疎其見淺矣

呼城上人得入。操聞笑曰：「此非徒得入也。方且復出。」字
知圍不可復冒。乃請配悉出城中老弱，以省穀。夜持白
竿出降。字作降人服。隨輩夜出。突圍得去。李孚，鉅鹿人。向兵循西山而東，去鄴十

七里爲營。夜舉火以示城中。配出兵城北以應。操逆擊
之。敗還。尚亦破走。營曲漳。漳水之曲。操遂圍之。尚懼求降。不

聽。衆潰。奔中山。審配殺辛毗家屬。令士卒堅守死戰。毗以

弩射操幾中。配兄子榮開門納操兵。配拒戰被執。毗以

馬鞭擊其頭而罵之。配顧曰：「狗輩！正由汝曹破我冀州。

恨不得殺汝也。」操引見配，欲活之。配意氣壯烈，終無撓

辭。遂斬之。操乃臨祀紹墓，哭之流涕，慰勞紹妻，還其家

人寶物，賜繒絮廩食。九月，詔以操領冀州牧。操讓還充

州。操辟崔琰爲別駕。謂曰：「昨按戶籍，可得三十萬衆。故爲大州也。」琰對曰：「今九州幅裂，一袁親尋干戈，冀方

丞庶暴骨原野。未聞王師存問風俗。救其塗炭。而唯以校計甲兵爲先。斯豈鄙州士女所望于明公哉。操改容以謝。許攸恃功。嫚操。嘗于衆坐呼操小字。操不樂。後竟殺之。崔琰字季珪。東武城人。裴松之曰。曹操一名吉。利。小字阿瞞。

冬十月。有星孛于東井。

丹陽郡吏殺其太守孫翊。翊妻徐氏討殺之。

丹陽督矯覽。丞戴員殺太守孫翊。覽欲逼取翊妻徐氏。徐給之曰。乞須晦日。設祭除服。然後聽命。潛使所親語。竈舊將孫高。傳嬰等。與共圖覽。高嬰涕泣許諾。密呼翊時侍養者二十餘人。與盟誓合謀。晦日設祭。徐哭泣盡哀畢。乃除服。薰香沐浴。言笑懽悅。覽密覘。無復疑意。徐呼高嬰置戶內。使人召覽入。遮得一拜。徐大呼。二君可。

起高嬰俱出共殺覽餘人即就外殺員徐氏乃還續經

奉覽員首以祭翊墓舉軍震駭孫權聞亂自椒邱注見前

還族誅覽員餘黨擢高嬰為牙門將名其餘賞賜有差

乙酉十年春正月曹操攻破袁譚于南皮斬之

初操之入鄴也袁譚復背操畧取諸郡攻尚于中山敗之悉取其眾操遣

書責譚然後進討譚奔南皮事在九年至是操攻南皮急譚

出戰軍未合而破譚走追斬之告諭吏民各安故業斬

郭圖等及其妻子王修詣操乞收葬譚尸許之辟為司

空掾郭嘉說操多辟青冀幽并名士為掾屬曹操從之初官渡之戰陳琳為袁紹作檄書數操連及家世

極其醜詆及是琳歸操操曰卿昔為本初移書但可罪狀孤身何乃上及父祖邪琳謝罪操釋之使與阮瑀俱

管記室阮瑀字元瑜陳留尉氏人

幽州將吏逐刺史袁熙遣使降曹操熙尚俱奔烏桓。

袁熙爲其將焦觸張南所攻與尚俱奔遼西烏桓觸等

降操皆封列侯。

觸驅率守令背袁向曹陳兵數萬殺白馬而盟令曰敢違者斬衆莫敢仰視各

以次軟別駕韓珩曰吾受袁公父子厚恩今其破亡智不能救勇不能死于義闕矣若乃北面曹氏所不能爲也一座失色觸曰夫舉大事當立大義事之濟否不待一人可卒珩志以厲事君乃捨之韓珩字子佩代郡人。

以荀悅

字仲豫

爲侍中。

時政移曹氏悅志在獻替而謀無所用乃作申鑒五篇

奏之。

畧曰爲政之術先屏四患乃崇五政。偽亂俗私壞法放越軌奢敗制四者不除則政末由行矣。是謂

四患。興農桑以養其生。審好惡以正其俗。宣文教以章其化。立武備以秉其威。明賞罰以統其法。是謂五政。人不畏死不可懼以罪。人不樂生不可勸以善。故在上者先豐民財以定其志。是謂養生。善惡要乎功罪。毀譽效

一準驗。聽言責事。舉名察實。無或詐偽。以蕩衆心。故俗無姦怪。民無淫風。是謂正俗榮辱者。賞罰之精華也。故禮教榮辱以加君子。化其情也。桎梏繫井以加小人。化其形也。若教化之廢。推中人而墜于小人。之域。教化之行。引中人而納于君子之塗。是謂章化。三上者。必有武備。以戒不虞。安居則寄之內政。有事則用之軍旅。是謂秉威。賞罰。政之柄也。人主不妄賞。非愛其財也。賞妄行。則善不勸矣。不妄罰。非矜其人也。罰妄行。則惡不懲矣。賞不勸。謂之止善。罰不懲。謂之縱惡。在上者。能不止下爲善。不縱下爲惡。則國法立矣。是謂統法。四患旣蠲。五政又立。行之以誠。守之以固。簡而不怠。疎而不失。垂拱揖讓而海內平矣。

丙戌十一年春正月有星孛于北斗

三月曹操破高幹于并州斬之

先是袁尙敗走高幹以并州降操仍以爲刺史

事在九年旣

而幹復以州叛舉兵守壺口關

在今山西潞安府長治縣壺口山下與壺關縣

接界。通鑑作壺關。口今依范書袁紹傳操遣其將樂進

字文謙。陽平人。李典

字曼成。鉅

野擊之不拔。事在十年。至是操自征幹。幹留其將守城。自詣

匈奴單于求救。不得。獨與數騎亡。欲南奔荊州。上洛漢縣。

今陝西。都尉王琰斬之。幹之初叛也。河內張晟聚眾寇

商州是。操用荀彧言。以杜畿為河東太守。固等使兵絕

陝。畿譌道從。郎津渡。既至郡。陽奉固。先以計縻之。稍分

散其眾。會操徵馬騰等至。擊固。先及張晟等皆破。斬之。

于是畿務崇寬惠。勸耕桑。課畜牧。百姓豐實。然後與學

校。修戎事。河東遂安。初。山陽仲長統遊學至并州。遇高

幹。幹善遇之。訪以世事。統謂幹曰。君有雄志。而無雄才。

好士而不能擇人。所以為君深戒也。幹不悅。統去之。幹

死。荀彧舉統尚書郎。郎津。水經注。河水東逕湖縣故

城北。右合門水。于此有郎津之名。湖縣。注見前。

十二年夏。曹操擊烏桓。秋八月。破之。斬蹋頓。烏桓王名。邱力居從

子。袁熙。袁尚奔遼東。公孫康度之子。斬之。

烏桓蹋頓。素為袁紹所厚。紹立蹋頓為單于。事具前。故袁尚兄弟歸

之數入塞爲寇。欲助尙復故地。操將擊之。先鑿平虜泉

州二渠。

平虜故渠在今直隸天津府滄州東北。泉州漢縣故城在今順天府武清縣渠故道在寶坻縣

東南。以通運。時諸將皆曰。袁尙亡虜。蹋頓豈能爲用。今深

入征之。劉備必說劉表以襲許。萬一爲變。事不可悔。郭

嘉曰。袁紹有恩于民夷。而尙兄弟生存。今舍而南征。尙

因烏桓之資。招其死主之臣。

言欲爲其主致死之臣。

民夷俱應。恐

青冀非吾有也。表坐談客耳。自知才不足以御備。重任

之則恐不能制。輕任之則備不爲用。雖虛國遠征。公無

憂矣。操從之。初。袁紹數遣使召田疇。疇皆拒之。然每忿

烏桓多殺其本郡冠蓋。

謂有冠蓋之士大夫。

意欲討之。而力未能。

至是。操遣使辟之。疇卽至。隨軍次無終。

漢縣注見前。

時方夏

水。雨濱海道不通。疇曰：此道秋夏有水，為難久矣。舊北

平郡治在平岡。

故城在今熱河八溝。後漢移郡治土垠。注見前。

道出盧龍。

古塞名。明

史地理志在永平府西北。

達于柳城。

漢縣故城在今熱河塔子溝。

自建武以來，陷

壞斷絕，尚有微徑。若回軍從盧龍口，越白檀。

漢縣，今熱河地是。

之險，出空虛之地，路近而便，掩其不備。蹋頓可不戰而

禽也。操令疇將其眾為鄉導，上徐無山，塹山堙谷，五百

餘里，經白檀，歷平岡，涉鮮卑庭，東指柳城。未至二百里，

虜乃知之。尚、熙與蹋頓等將數萬騎逆軍。八月，操登白

狼山。

水經注：山在右北平石城縣西，石城故城在今八溝界。

卒與虜遇，縱兵擊之。

虜眾大潰，斬蹋頓，降者二十餘萬。尚、熙奔遼東。九月，操

引還。公孫康

九年，度卒。

誘尚、熙斬之。

康伏兵于廐，請尚入，未及坐，遂禽

田疇不賣盧龍世所稱
蹈者然因欲報公孫瓚而
引道以殲熙尚隱避忠厚
之士或不出此矣

之送其首

操梟向首令敢哭者斬牽招獨設祭非哭也

後操復欲封之使夏侯惇喻意疇曰疇負義逃竄蒙恩全活為幸多矣豈可賣盧龍之塞以易貨祿哉惇以白

操操知不可屈乃拜議郎操之北伐也劉備說劉表

襲許表不能用至是表謂備曰不用君言故為失此大

會備曰今天下分裂日尋干戈事會之來豈有終極若能應之于後者則此未足為恨也

冬十月有星孛于鶉尾

晉書天文志自張十七度至軫十一度為鶉尾之次楚之分野

劉備見諸葛亮

字孔明琅琊陽都人

于隆中

山名在今湖北襄陽府襄陽縣西

初琅邪諸葛亮寓居襄陽隆中每自比管仲樂毅時人

莫之許也惟潁川徐庶

字元直

與崔州平

安平人然之劉

備訪士于襄陽司馬徽

字德操善知人同郡龐德公稱為水鏡

徽曰儒生

俗士豈識時務。識時務者在乎俊傑。此間自有伏龍鳳

雛。備問爲誰。曰。諸葛孔明。龐士元也。

龐統字士元。德公從子。德公嘗謂孔

明爲卧龍。士元爲鳳雛。

徐庶亦謂備曰。諸葛孔明卧龍也。將軍豈

願見之乎。備曰。君與俱來。庶曰。此人可就見。不可屈致

也。將軍宜枉駕顧之。備由是詣亮。凡三往乃見。因屏人

曰。漢室傾頽。姦臣竊命。孤不度德量力。欲信大義于天

下。而智術淺短。遂用猖獗。至于今日。然志猶未已。君謂

計將安出。亮曰。今曹操已擁百萬之衆。挾天子而令諸

侯。此誠不可與爭鋒。孫權據有江東。已歷三世。國險而

民附。賢能爲之用。此可與爲援而不可圖也。荊州北據

漢沔。利盡南海。東連吳會。西通巴蜀。此用武之國。而其

孔明于備交窺身無所表
又尚在之時早識荊州爲

軍事之地北向宛洛西出秦川二言早爲後日六出祁山張本真不愧王佐之才三分割據良非本願杜前可謂知言

主不能守。此殆天所以資將軍也。益州險塞。沃野千里。天府之土。劉璋闇弱。張魯在北。民殷國富。而不知存卹。知能之士。思得明君。將軍旣帝室之胄。信義著于四海。若跨有荆益。保其巖阻。西和諸戎。南撫夷越。外結孫權。內修政理。天下有變。則命一上將。將荊州之軍。以向宛洛。將軍身率益州之衆。出于秦川。百姓孰敢不簞食壺漿以迎將軍者乎。誠如是。則霸業可成。漢室可興矣。備曰善。于是與亮情好日密。關羽。張飛不悅。備解之曰。孤之有孔明。猶魚之有水也。願諸君勿復言。羽。飛乃止。

戊子十三年春。孫權擊江夏太守黃祖。破斬之。

初。巴郡甘寧。

字興霸。

將其僮客就劉表。觀表事勢。終必無

成欲東入吳黃祖在夏口

在湖北漢陽府漢陽縣東漢水入江之口也。一曰魯口。今

口。漢軍不得過乃留依祖祖以凡人畜之會孫權擊祖

祖軍敗走寧遂奔吳獻策孫權

寧曰。今漢祚日微曹操終為篡盜。南荆形便誠

國之西勢也。劉表慮既不遠。兒子又劣。當早圖之。不可後操圖之。之計宜先取黃祖。祖今昏耄已甚。財穀並乏。

戰具不修。其破可必。一破祖軍。鼓行而西。西據楚關。大勢彌廣。即可漸規巴蜀矣。楚關即扞關注見前。權

深納之遂西擊黃祖祖以舟兵拒戰都尉呂蒙

字子明汝南富

陂人。破其前鋒

親臬都督陳就首。

偏將軍董襲

字元代餘姚人。

司馬凌統

字公績。等盡銳攻之

祖橫兩蒙衝以大紂繫可上弩交射襲與統率敢死士突入蒙衝以

刀斷紂。蒙衝橫流。軍

遂進傳其城屠之。祖挺身走追斬之。

夏六月罷三公官曹操自為丞相。

操以崔琰為西曹掾毛玠為東曹掾司馬朗

字伯達河內溫人。

計弊吏以廉爲本與服
不過度似已然亦不過從
偷一端尚不足語正本清
源至垢面羸衣飾僞尤甚
其選舉又曷足憑耶

爲主簿弟懿

字仲達。卽晉高祖。

爲文學掾。琰玠並典選舉其所

舉用皆清正之士。雖有盛名而行不由本者。終莫得進。

由是士以廉節自勵。雖貴寵之臣。輿服不敢過度。長吏

還者。垢面羸衣。獨乘柴車。軍吏入宿。朝服徒行。操聞之。

歎曰。用人如此。使天下人人自治。吾復何爲哉。懿少聰

達。多大畧。琰謂朗曰。君弟聰亮明允。剛斷英特。非子所

及也。操聞而辟之。懿辭以風痺。操怒。欲收之。懿懼就職。

胡三省曰。司馬懿始此。

秋七月。曹操擊劉表。

八月。曹操殺大中大夫孔融。夷其族。

融恃其才望。數戲侮曹操。又上書言。宜準古王畿之制。

千里。寰內不以封建諸侯。操疑融所論建漸廣。益憚之。

融與御史大夫郗慮

郗氏。蘊。忿生支子。封郗邑。因有隙。氏焉。慮字鴻豫。山陽高平人。

慮承操旨。奏融昔在北海。招合徒眾。欲規不軌。與孫權

使語。謗訕朝廷。又與禍衡更相贊揚。衡謂仲尼不死。融

答顏回復生。大逆不道。操遂收融并其妻子。

融被收時。二子年八

歲。方奕棊。端坐不起。

左合問之。答曰。皆殺之。

安有巢毀而卵不破乎。遂俱見收。

初。京兆脂

每戒融剛直太過。必罹世患。及融死。許下莫敢收者。

習與融善

往撫尸曰。文舉捨我死。我何用生為。操收習。欲殺之。既

而赦之。

脂。

姓。習字元升。

劉表卒。九月。曹操至新野。表子琮舉州降。

初。劉表二子琦。琮。表為琮娶其後妻蔡氏之姪。蔡氏因

愛琮而惡琦。遂出琦為江夏太守。

琦嘗與諸葛亮謀。自安之術。亮不對。後乃

與亮升樓去梯。謂亮曰。今日上不至天。下不至地。言出于子口。而入于吾耳。可以言未。亮曰。君不見申生在內而危。重耳居外而安乎。琦意感。及表卒。蔡瑁。表妻弟。張允。

甥。等奉琮為嗣。未幾。曹操軍至。蒯越等勸琮降操。琮

從之。九月。操至新野。琮舉州降。操遂進兵。

劉備奔江陵。曹操追至當陽。漢縣。今屬湖北安陸府。及之。備走夏口。

劉備屯樊。即今樊城。在襄陽縣北。南臨漢水。不意操軍卒至。至宛。乃知

之。裴松之蜀志補注。劉琮乞降。不敢告備。備久之乃覺。時曹公已在宛。備大驚駭。通鑑採之。考宛在新野之北。琮降在新野。操已過宛而南。及備聞知。不遂將其眾

應復在宛也。今依蜀志本文。而以裴注附見。

去過襄陽。或勸備攻琮。荊州可得。備曰。吾不忍也。乃駐

馬呼琮。琮懼不能起。琮左右及荊州人多歸備。比到當

陽。眾十餘萬人。輜重數千輛。日行十餘里。別遣關羽乘

船會江陵。或謂備宜速行保江陵。今擁大衆。被甲者少。

曹公兵至。何以拒之。備曰。夫濟大事。必以人爲本。今人

歸吾。吾何忍棄去。操以江陵有軍實。恐備據之。乃釋輜

重。將精騎急追之。及于當陽之長阪。在今縣東北。備棄妻子。

與諸葛亮張飛趙雲等數十騎走。徐庶母爲操所獲。庶

與將軍共圖王霸之業者。以此方寸地也。今已張飛拒

後據水斷橋。瞋目橫矛曰。身是張益德也。可來共決死。

操兵無敢近者。趙雲身抱備子禪。或言雲已北走。備曰

之雲適與關羽船會。得濟沔。遇劉琦衆萬餘人。與俱到

夏口。

冬十月癸未朔日食。

曹操東下孫權遣周瑜魯肅等與劉備迎擊于赤壁山名在今

湖北武昌府嘉魚縣西北江濱水經注江小東河赤壁山北即此大破之操引還

曹操進兵江陵遂順流東下時魯肅為孫權使襄陽不

及與劉備同往樊口

初肅言于孫權曰荆州與國鄰接江山險固士民殷富若據而有之

此帝王之資也今劉表新亡二子不協劉備天下梟雄與操有隙若與彼協心上下齊同則宜撫安與結盟好如有離違宜別圖之以濟大事肅請得奉命弔表二子并說備使撫表衆同心一意共治曹操備必喜而從命如其克諧天下可定矣今不速往恐為操所先權即遣肅行比至南郡而琮已降肅遂迎備于當陽長阪宣權旨致殷勤之意且曰孫討虜已據有六郡兵精糧多足以立事今為君計莫若遣心腹自結于東以共濟世業備甚悅肅又謂諸葛亮曰我子瑜友也即共定交樊

口在今湖北武昌府西北子瑜亮兄瑾字時為權長史于是諸葛亮謂備曰事急矣請奉命求救于孫將軍遂

與肅俱詣孫權見于柴桑

漢縣故城在今江西九江府德化縣說曰海內

大亂。將軍起兵江東。劉豫州收衆漢南。與曹操並爭天下。今操芟夷大難。畧已平矣。遂破荊州。威震四海。英雄無用武之地。故豫州遁逃至此。願將軍量力而處之。若能以吳越之衆。與中國抗衡。不如早與之絕。若不能。何不按兵束甲。北面而事之。今將軍外托從服之名。而內懷猶豫之計。事急而不斷。禍至無日矣。權曰。苟如君言。劉豫州何不遂事之乎。亮曰。田橫齊之壯士耳。猶守義不辱。况劉豫州王室之胄。英才蓋世。衆士仰慕。若事之不濟。此乃天也。安能復爲之下乎。權勃然曰。吾不能舉全吳之地。十萬之衆。受制于人。吾計決矣。非劉豫州莫可以當曹操者。然豫州新敗。安能抗此難乎。亮曰。豫州

軍雖敗于長阪。今戰士還者。及關羽水軍精甲萬人。劉琦合江夏戰士亦不下萬人。曹操之衆。遠來疲敝。聞近豫州。輕騎一日一夜行三百餘里。此所謂強弩之末勢。不能穿魯縞者也。故兵法忌之。曰必蹶上將軍。且北方之人。不習水戰。又荊州之民附操者。偪兵勢耳。非心服也。今將軍誠能命猛將統兵數萬。與豫州協規同力。破操軍必矣。操軍敗必北還。如此。則荊吳之勢強。鼎足之形成矣。成敗之機在于今日。權大悅。時操遺權書曰。近束手。今治水軍八十一萬衆。方與將軍會獵于吳。權以示羣下。莫不失色。張昭等曰。曹公挾天子以征四方。拒之不順。且將軍大勢可以拒操者。長江也。今操得荊州水軍。蒙衝鬪艦。乃以千數。浮以沿江。水陸俱下。此爲長江之險。已與我共之矣。而勢力衆寡。又不可論。愚謂不如迎之。魯肅獨不言。權起更衣。肅追于宇下。權知其意。執

肅論力破羣疑識見與周
喻伯仲張昭輩選懦無能
豈足與計大事哉

肅手曰。卿欲何言。肅曰。向察衆人之議。專欲悞將軍。今肅可迎操耳。如將軍不可也。何以言之。今肅迎操。操當以肅還付鄉黨。品其名位。猶不失下曹從事。乘犢車。從吏卒。交遊士林。累官故不失州郡也。將軍迎操。欲安所歸乎。願定大計。莫用衆人之議也。權歎息曰。諸人持議。甚失孤望。今卿廓開大計。正與孤同。時周瑜受使至番陽。注見前。肅勸權召瑜還。瑜至。謂權曰。操雖托

名漢相。實漢賊也。將軍以神武雄才。兼仗父兄之烈。割據江東。地方數千里。兵精足用。英雄樂業。當橫行天下。爲國家除殘去穢。况操自送死。而可迎之邪。請爲將軍籌之。今北土未平。馬超韓遂。爲操後患。而舍鞍馬。仗舟楫。與吳越爭衡。又今盛寒。馬無橐草。驅中國士衆。遠涉江湖之間。不習水土。必生疾病。此數者。用兵之患也。而操皆冒行之。將軍禽操。宜在今日。瑜請得精兵數萬人。

進往夏口。保爲將軍破之。權曰。老賊欲廢漢自立久矣。徒忌二袁。吕布。劉表。與孤耳。今數雄已滅。惟孤尚存。孤與老賊勢不兩立。君言當擊。甚與孤合。此天以君授孤也。因拔刀斫前奏案曰。諸將吏敢有復言當迎操者。與此案同。遂選三萬人。以周瑜。程普字德謀。右北平土垠人。爲左右督。與備并力逆操。以魯肅爲贊軍校尉。助畫方略。進與操遇于赤壁。時操軍已有疾疫。初一交戰。操軍不利。引次江北。瑜等在南岸。瑜部將黃蓋字公覆。零陵人。曰。今寇衆我寡。難以持久。操軍方連船艦。首尾相接。可燒而走也。乃取蒙衝鬪艦十艘。載燥荻枯柴。灌油其中。裹以帷幕。上建旌旗。豫備走舸。繫于其尾。先以書遺操。詐云欲降。時

東南風急。蓋以十艦最著前。中江舉帆。餘船以次俱進。操軍吏士皆出營立觀。指言蓋降。去北軍二里餘。同時發火。火烈風猛。船往如箭。燒盡北船。延及岸上營落。頃之煙燄張天。人馬燒溺死者甚多。瑜等率輕銳繼其後。雷鼓大進。北軍大壞。操引軍從華容。漢縣。故城在今荆州府監利縣。今岳容。隋所置。道步走。遇泥濘。道不通。天又大風。悉使羸兵負草填之。騎乃得過。蹈藉死者甚衆。軍既出。操乃大喜。諸將問之。操曰。劉備吾壽也。但得計少晚。向使早放火。吾徒無類矣。備尋放火。無所及。劉備周瑜水陸并進。追至南郡。操軍死者大半。乃引軍北還。

十二月。劉備徇荊州江南諸郡。降之。

劉備表劉琦為荊州刺史。引兵南徇武陵。長沙。桂陽。零

陵。注俱見前。皆降之。備以諸葛亮為軍師中郎將，督諸郡賦

稅，以充軍實。

孫權使其將賀齊

賀本慶氏。避漢安帝父諱，改賀氏。齊字公苗，會稽山陰人。討黟

今屬江南賊平之。

先是，權破黃祖還，復遣兵討平山越。

越種散而山處者，丹陽、豫章、會稽皆

有之。及是，黟賊帥陳僕等二萬戶屯林歷山。

在黟縣西南。四面

壁立，齊募輕捷士，夜于隱處以鐵戈拓山而上，懸布以

援下人，得上者百餘人，分布四面，鳴鼓角，賊守路者皆

驚走。大軍上攻，破之，以其地置新都郡。

今徽州府是。

齊為太

守。

巳十四年秋七月，曹操軍合肥。

漢縣，今為江南廬州府治。開芍陂。

在今江南

鳳陽府壽州南亦曰安豐塘。屯田。

先是孫權圍合肥。久不下。曹操自荊州還。遣兵救之。未

至。權退。

揚州別駕蔣濟。詐言救至。遣使齎書語城中。為權軍所獲。權信之。遂燒圍走。

國至是。操治水軍。自渦入淮。渦河。古蕩蕩渠分流也。白

鳳陽府之懷遠縣入淮。謂之渦口。出肥水。源出合肥。逕壽州入淮。軍合肥。故揚州

刺史劉馥。

字元穎。沛國人。為刺史。恩化大行。十三年卒。嘗治芍陂。以溉稻田。

水經注。陂周一百二十里。楚相孫叔敖所造。于是操復開之。

冬十月。荊州地震。

十二月。孫權表劉備領荊州牧。

初。曹操北還。留曹仁守江陵。樂進守襄陽。周瑜進至南郡。與仁隔江。未戰。甘寧徑前據夷陵。仁分遣兵騎圍之。

急。瑜用呂蒙計。

蒙謂瑜曰。留凌公績于江陵。蒙與君行。解圍釋急。勢亦不久。蒙保公績能十日。

守也。瑜從之。

身與蒙西救寧。大破仁兵而還。乃渡江屯北岸。

與仁相拒。至是歲餘。瑜所攻擊。殺傷甚衆。仁遂委城走。

權以瑜領南郡太守。屯江陵。程普領江夏太守。治沙羨。

呂蒙領彭澤太守。呂蒙領尋陽令。沙羨。漢縣。故城在今湖北武昌府江夏縣彭澤。漢縣。故城在今湖北武昌府江夏縣。

今湖北武昌府江夏縣彭澤。漢縣。故城在今湖北武昌府江夏縣。

南細

陽人。會劉琦卒。權以備領荊州牧。周瑜分南岸地以給

備。備立營于油口。

油江口也。今日油河。在荊州府公安縣西。

改名公安。權以

妹妻備。妹才捷剛猛。有諸兄風。侍婢百餘人。皆執刀侍

立。備每入。心常凜凜。

曹操密遣辯士蔣幹。布衣烏巾。私行說周瑜。瑜出迎。立謂之曰。子翼

良苦。遠涉江湖。為曹氏作說客邪。因延幹與周觀營中。

行視倉庫。軍資器仗。訖還飲宴。示之侍者服飾珍玩之物。因謂幹曰。丈夫處世。遇知己之主。外託君臣之義。內

結骨肉之恩。言行計從。禍福共之。假使蘇張更生。能移

其意乎。幹但笑終無所言。還白操稱瑜雅量高致。非言辭所能聞也。蔣幹字子翼。九江人。

庚寅十五年春。曹操下令求才。

丞相掾和洽

字陽士。汝南西平人。

言于操曰。天下之人才德各殊。

不可以一節取也。今朝廷之議吏有著新衣乘好車者。謂之不清。形容不飭。衣裘敝壞者。謂之廉潔。至今士大夫故污辱其衣。藏其輿服。朝府大吏。或自挈壺殮以入官寺。夫立教觀俗。貴處中庸。爲可繼也。今崇一概難堪之行。以檢殊途。勉而行之。必有疲瘁。而或容隱僞矣。操善之。下令求才。

二。川。乙巳朔。日食。

冬。曹操作銅雀臺于鄴。

後曹操又作金虎。水井。二臺。故址皆在今河南彰德府臨漳縣西南。

名曰
三臺。

十二月曹操讓還三縣。

操上所封三縣。因遂下令。

令曰孤始舉孝廉自以本非嚴穴知名之士恐為人所凡

愚欲好作政教以立名譽故在濟南除殘去穢平心選舉以是為豪強所忿恐致家禍故以病還鄉里乃於譙東五十里築精舍欲秋夏讀書冬春射獵為二十年規待天下清乃出仕耳然不能得如意徵為典軍校尉意更為國家討賊立功使題墓道言漢故征西將軍曹侯之墓此其志也遭值董卓之難與舉義兵破降黃巾又討擊袁術摧破袁紹梟其二子復定劉表遂平天下身為宰相人臣之貴已極意望已過矣設使國家無有孤不知當幾人稱帝幾人稱王或者見孤彊盛妄相忖度言有不遜之志每用耿耿然欲孤便爾委兵歸國實不可也何者誠恐離兵為人所禍既為子孫計又已敗則國家傾危是以不得慕虛名而處實禍也然封兼四縣食戶二萬何德堪之今上還三縣但食武平萬戶且以分損謗議少減孤之責也

孫權南郡守將周瑜卒權以魯肅代領其兵。

劉表故吏士多歸劉備。備以周瑜所給地少。不足以容

其衆。乃自詣孫權。求都督荊州。瑜因上疏請權留備。曰。疏

劉備以梟雄之姿。而有關羽。張飛。熊虎之將。必非久屈

爲人用者。謂宜徙備置吳。盛爲築宮室。多其美女玩好。

以娛其耳目。而分羽。飛。各置一方。使如瑜者。挾與攻戰。

大事可定也。今猥割土地以資業之。聚此三人。俱在疆

場。恐蛟龍得雲雨。權不從。備還聞之。歎曰。天下智謀之

士。所見畧同。前時孔明諫孤莫行。其意亦慮此也。瑜詣

京。京口城也。今江南鎮江府治是。見權。請與權從弟奮威將軍瑜。字仲異。

俱進取蜀。并張魯。與馬超結援。還據襄陽。以感操。權許

之。瑜還治裝。道病困。與權牋曰。方今曹操在北。疆場未

靜。劉備寄寓。有似養虎。天下之事。未知終始。魯肅忠烈。

臨事不苟。可以代瑜。倘所言可采。瑜死不朽矣。卒于巴

印。裴松之曰。瑜卒之處。在今之巴陵。與前所鉅巴邱名同處異。巴陵。晉縣。以巴邱山名。今為湖南岳州府。

光權聞之。哀慟曰。公瑾有王佐之資。今忽短命。孤何賴哉。遂以魯肅為奮武校尉。代瑜領兵。肅勸權以荊州借

劉備。與共拒曹操。權從之。初。權謂呂蒙曰。卿今當塗掌

務。權曰。孤豈欲卿治經為博士邪。但當涉獵見往事耳。卿言多務。孰若孤。孤嘗讀書。自以為大有所益。蒙乃始

就學。及肅過尋陽。與蒙議論。大驚曰。卿今者才畧。非復

吳下阿蒙。蒙曰。士別三日。即更刮目相待。大兄何見事

之晚乎。肅遂拜蒙母。結友而去。

劉備以龐統為治中從事。

劉備以龐統守耒陽。漢縣。今屬湖南衡州府。令不治。免魯肅遺備

書曰。士元非百里才也。使處治中別駕之任。始當展其

驥足耳。諸葛亮亦言之。備與統談。大器之。遂用統為治

中親待亞亮並為軍師中郎將

孫權以步騭

晉步揚之後以邑為氏騭字子山淮陰人

為交州刺史

漢交州治南海今廣

州府是

初士燮

字彥威蒼梧人

為交趾太守表其三弟領合浦九真南

海三郡

燮體器寬厚中國士人多往依之雄長一州威

尊無上

出入鳴鐘磬備其威儀狎簫鼓吹車

騎滿道邊人夾轂焚香其貴重若此而不廢貢

職至是權以騭為刺史燮率兄弟奉承節度遣子入質

由是嶺南始服於權

辛卯

十六年春正月曹操以其子丕

字子

為五官中郎將為

丞相副三月馬超韓遂等反秋曹操擊破之

初馬騰韓遂結為異姓兄弟既而更為讐敵朝廷遣使

和解之後曹操徵騰為衛尉使其子超代領部曲至是

操遣鍾繇討張魯而使夏侯淵字妙才惇族弟出河東與繇會

關中諸將疑為襲已于是馬超韓遂等十部皆反其眾

十萬屯據潼關在今陝西同州府華陰縣東歷代皆為要地七月曹操自將

擊之八月至潼關與超等夾關而軍操急持之而潛遣

二將渡蒲阪津即蒲關在今山西蒲州府永濟縣西據河西為營閏月操

北渡河兵眾先渡操獨與虎士百餘人留南岸斷後馬超將步騎萬餘人攻之矢下如雨操據胡床不

動許褚扶操上船船工中流矢死褚左手舉鞍蔽操右手刺船校尉丁斐放牛馬以餌賊賊亂取之操乃得渡

許褚字仲康譙人循河為兩道而南超等退拒渭口渭水入河之處漢曰

船司空在今華陰縣東北操乃多設疑兵潛以舟載兵入渭作浮橋

夜分兵結營于渭南超等夜攻營伏兵擊破之九月進

軍渡渭。超等數挑戰，不許。固請割地，送任子。操用賈詡

計。操問詡計。詡曰：離之而已。操曰：解。乃偽許之，而離間超。遂使相猜疑。

韓遂請與操相見，操與遂有舊。于是交馬語移時，不及軍事。但說京都舊故，拊手歡笑。既罷，超等問遂。曹公何言。遂曰：無所言也。超等疑之。他日，操與遂書，多所點竄。如遂改定者。超等愈疑遂。操乃與克曰：

會戰。先以輕兵挑之。戰良久，乃縱虎騎夾擊，大破之。超

遂奔涼州。

諸將問曰：初賊守潼關，渭北道缺，不從河東

曰：若吾入河東，賊必引守諸津，則西河未可渡。吾故盛兵向潼關，使賊悉衆南守，而西河之備虛。故兩將得取西河。然後引軍北渡，賊不能與吾爭，連車樹柵，爲甬道而南。既爲不可勝，且以示弱。度渭爲堅壘，虜至不出，所以驕之也。故賊不爲營壘而求割地。吾順言許之，使自安而不爲備。因畜士卒之力，一旦擊之。所謂疾雷不及掩耳，兵之變化也。十月，操軍追至安定，將還。參軍事楊阜謂操曰：超有信布之勇，甚得羌胡心，若軍還而不嚴爲

之備。隴上諸郡。非國家有也。會北方有事。河間田銀。留

夏侯淵屯長安。遂還。皆破滅。明年。操誅馬騰。夷三族。于

是超率諸戎。攻取郡縣。殺刺史太守。盡兼隴右之衆。楊

阜與姜敘。字伯奕。趙昂。字偉章。起兵破超。阜敘起鹵城。昂

至冀。使梁寬。趙衢。爲內應。衢詭說超。使自出戰。而與寬

閉門。超戰不克。又不得入。進退失據。乃走。鹵城。胡三

省注。在西縣冀縣之間。祁山。超南奔漢中。先是。阜欲討

在甘肅鞏昌府西和縣西北。超而未有得其

便。姜敘。阜外兄也。方屯歷城。阜往見敘。及其母。因具說

情事。戲歎悲甚。敘母慨然曰。咄。伯奕。人誰不死。死於忠

義。得其所矣。但當速發。勿復顧我。因敕敘與阜。及趙昂

等定計。時昂子月已。質于超。謂妻異曰。吾謀如是。奈月

何。異厲聲曰。雪君父之大耻。喪元不足爲重。况一子哉。

已超走歷城。執敘母。母怒罵超。超殺之。及昂子月以去。

歷城。杜佑曰。在同谷郡西。

同谷。今甘肅階州成縣是。

冬。劉璋遣使迎劉備。備留兵守荊州而西。璋使備擊張魯。

扶風法正

字孝直。郿人。

爲劉璋軍議校尉。璋不能用。別駕張

松與正善。前使荊州。不爲曹操所禮。松恨。因勸璋絕操

而結劉備。璋曰。誰可使者。松乃舉正。正辭謝。佯爲不得

已而行。比還。爲松說備有雄畧。密謀奉戴。以爲州主。會

鍾繇欲向漢中。璋懼。松因說曰。曹公兵無敵于天下。若

因張魯之資。以取蜀土。誰能禦之。劉豫州使君之宗室。

而曹公之深讐也。善用兵。若使之討魯。魯必破。魯破則

益州強。曹公雖來。無能爲也。璋然之。遣正迎備。主簿黃

左將軍有驍名。今以部曲遇之。則不滿其心。以客禮待

之。則一國不容二君。若客有泰山之安。則主有累卵之

危。不若閉境以待時清。璋不正至荊州。陰說備取益州。

納。黃權字公衡。閬中人。備疑未決。龐統曰。荊州荒殘。人物殫盡。東有孫車騎。北

凡事與操相反雖為矯枉
之計亦屬沽名之舉龐統
之言自是遠識彼拘文牽
義坐失事機者豈不為子
莫執中之流

有曹操難以得志。今益州戶口百萬。土沃財富。誠得以
為資。大業可成也。備曰。今指與吾水火者。曹操也。操以
急。吾以寬。操以暴。吾以仁。操以譎。吾以忠。每與操反。事
乃可成耳。今以小利而失信義于天下。奈何。統曰。亂離
之時。固非一道所能定也。且兼弱攻昧。逆取順守。古人
所貴。若事定之後。封以大國。何負于信。今日不取。終為
人利耳。備以為然。乃留諸葛亮。關羽等守荊州。自將步
卒數萬而西。孫權聞備西上。遣船迎妹。而夫人欲將備
子禪去。張飛。趙雲勒兵截江。乃得禪還。
劉璋敕在所供奉。贈遺以巨億計。巴郡太守嚴顏。蜀人
拊心歎曰。此所謂獨坐窮山。放虎自衛也。備北詣涪。注
前。璋率兵三萬往會之。歡飲百餘日。璋增備兵。厚加資。

給使擊張魯備北到葭萌。漢縣故城在今四川保寧府廣元縣。厚樹恩德以收衆心。

壬辰十七年春正月曹操還鄴贊拜不名入朝不趨劍履上殿。

夏六月庚寅晦日食。

孫權徙治建業。今江南江寧府治本楚金陵邑秦改曰秣陵置縣兩漢因之。三國孫權建都于此。名曰建業晉避諱又改曰建康。至唐始定爲上元江寧二縣。

初張紘以秣陵山川形勝勸孫權以爲治所劉備亦勸

權居之權于是作石頭城。在今上元縣西石城山下。徙治秣陵改號

建業。權遣紘還吳迎家道病卒留賡曰人情憚難而趨

難也。人君承基據勢無假于人而忠臣挾難進之術此逆耳之言其不合也不亦宜乎故明君寤之求賢如飢

渴受諫而不厭。抑情損欲。而以義斷恩也。權省書為之流涕。

權作濡須塢。

濡須水名。源出巢湖。夾水立塢。狀如偃月。在今江南廬州府巢縣東南。與無為州接。冬。

十月。曹操擊權至濡須。

呂蒙聞曹操欲東兵。說孫權夾濡須水口立塢。諸將皆曰。上岸擊賊。洗足入船。何用塢為。蒙曰。兵有利鈍。戰無百勝。如有邂逅。敵步騎感人。不暇及水。其得入船乎。權遂從之。已曹操擊權至濡須。權禦之。相拒累月。操出濡須。船夜渡洲上。權以水軍圍取。得三千餘人。其沒溺者亦數千人。權數挑戰。操堅守不出。權乃自乘輕舟。從濡須口入操軍。諸將皆以為是挑戰者。欲擊之。操曰。此必孫權欲身見吾軍部伍也。敕軍中皆精嚴弓弩。不得妄發。權行五六里。迴環作鼓吹。操見權舟船器仗。軍伍齊肅。喟然歎曰。生子當如孫仲謀。若劉景升子。豚犬耳。至明年正月。權為賤與操說春水方生。公宜速去。操語諸

將曰。權不欺孤。遂撤軍還。

侍中光祿大夫參軍事荀彧自殺。

先是董昭與諸將議。以丞相宜進爵國公。九錫備物。以彰殊勲。荀彧以爲曹公本興義兵。以匡朝寧國。秉忠貞之誠。守退讓之實。君子愛人以德。不宜如此。操由是不悅。及擊孫權。表請彧勞軍于譙。因輒留彧。以侍中光祿大夫持節參丞相軍事。操向濡須。彧以病留壽春。飲藥而卒。

十二月。有星孛于五諸侯。

晉書天文志。五諸侯五星。在東井北。

劉備據涪城。

時曹操方攻孫權。權呼備自救。

先是備在葭萌。龐統言。備曰。今陰選精兵。晝

東吳兵勢方張且有魯肅
呂蒙等為之經畧操至濡
須何至呼備自收此益備
藉口請劉璋益兵之詞劉
璋無能爾時若聽寵統上
計成都可立得然備雖稱
英雄亦實內怯宜其聽中
計耳

夜兼道徑襲成都。舉便定。此上計也。楊懷高沛璋之
名將。各仗強兵。據守關頭。聞數諫璋。使遣將軍還荊州。
將軍遣與相聞。說荊州有急。欲還救之。子喜。必來見。
因此執之。進取其兵。乃向成都。此中計也。退還白帝。連
引荊州。徐還圖之。此下計也。備然其中計。關頭。即白
水關。在今四川夔州府昭化縣。白帝。城名。公孫述所築。
在今四川夔州府奉節縣。備貽書璋曰。孫氏與孤。本為唇齒。而關羽
兵弱。今不往救。則操必取荊州。轉侵州界。其憂甚于張
魯。因求益萬兵及資糧。璋但許兵四千。餘皆給半。備因
激怒其眾曰。吾為益州征彊敵。師徒勞瘁。而積財吝賞。
何以使士大夫死戰乎。張松書與備曰。今大事垂立。如
何釋此去乎。璋聞之。收斬松。敕關戍勿復得與備通。備
大怒。召懷沛。責以無禮。斬之。勒兵徑至關頭。并其兵。進
據涪城。

癸巳十八年春正月并十四州爲九州。

省司隸及幽并涼交四州爲冀豫兖青徐揚荆雍益九

州而冀州兼有幽并二州及司隸之河東河內馮翊扶

風四郡

胡三省曰此曹操欲廣其所統以制天下耳

夏五月曹操自立爲魏公加九錫。

封凡十郡以丞相領冀州牧如故。

秋七月魏始建宗廟社稷。

冬十一月魏初置尚書侍中六卿。

以荀攸爲尚書令涼茂

字伯方山陽昌邑人

爲僕射毛玠崔琰常

林

字伯槐河內溫人

徐奕

字季才東莞人

何夔

字叔龍陳郡陽夏人

爲尚書王粲

字仲宣杜襲

字子緒潁川定林人

衛凱和洽爲侍中鍾繇爲大理

王修爲大司農袁渙爲郎中令行御史大夫事陳羣爲

御史中丞

時操欲復肉刑令曰昔陳鴻臚以爲死刑有可加于仁恩者御史中丞能申其父之論乎

羣對曰臣父紀以爲漢除肉刑而加增笞法本興仁惻而死者更衆所謂名輕而實重者也名輕則易犯實重則傷民且殺人償死合于古制至于傷人或殘毀其體而裁剪毛髮非其理也若用古刑使淫者下蠶室盜者刖其足則永無淫放穿窬之姦矣夫三千之屬雖未可悉復若斯數者時之所患宜先施用議者惟鍾繇與羣議同餘皆以爲未可行操以軍事未罷顧衆議而止

甲午十九年春三月曹操進位諸侯王上

夏閏五月孫權使其將呂蒙攻皖城破之

初曹操恐濱江郡縣爲權所畧徵令內徙民轉相驚戶十餘萬皆東渡江其地遂虛合肥以南惟有皖城操以朱光爲廬江太守屯皖大開稻田呂蒙言于孫權曰皖

田肥美。若一收熟。彼衆必增。宜早除之。權乃親攻皖城。

諸將欲作土山。添攻具。呂蒙曰。治攻具及土山。必歷日乃成。城備既修。外救亦至。不可圖也。今觀此城。不能甚固。以三軍銳氣。四面並攻。不移時。可拔。全勝之道也。權從之。蒙薦甘寧爲升城督。寧

持練緣城。蒙以精銳繼之。手執枹鼓。士卒皆騰踴。侵晨進攻。食時破之。獲朱光及男女數萬口。權拜蒙爲廬江太守。還屯尋陽。

劉備入成都。自領益州牧。以諸葛亮爲軍師將軍。

先是。劉璋遣其將吳懿

蜀志作壹。字子遠。陳留人。

等拒備。皆敗退。詣

軍降。備遂分定諸縣。進圍雒城。

漢置雒縣。後漢爲廣漢郡。治故城。在今四川成

都府

至是。諸葛亮留關羽守荊州。與張飛趙雲將兵泝

沔克巴東。

劉璋分巴郡置巴東郡。今夔州府是。

破巴郡。獲太守嚴顏。

飛呵顏曰。

何以不降。顏曰。卿等無狀。侵奪我州。我州但有斷頭將軍。無降將軍也。飛怒。令牽去斫頭。顏容止不變。曰。斫頭便斫頭。何為怒也。飛壯而釋之。引為賓客。備圍雒城且一年。龐統中流矢卒。

法正賤與劉璋曰。左將軍舊心依依。實無薄意。可圖變化。以保尊門。璋不答。雒城潰。備進圍成都。亮飛雲引兵來會。馬超知張魯不足與計事。亦來請降。備令引兵屯

城北。城中震怖。璋遂開城出降。備遷璋公安。盡歸其財

物。佩以振威將軍印綬。備入成都。自領益州牧。以諸葛

亮為軍師將軍。時董和字幼宰。南郡枝江人。黃權字正方。南陽人。等

本璋所任用。和為益州太守。權為府主簿。嚴為護軍。吳懿字賓伯。江夏郿人。費觀字賓伯。江夏郿人。

等皆璋之姻親。璋兄瑁取懿妹。璋母費氏。彭美字永年。廣漢人。璋所擯棄。美為

人所毀。璋髡劉巴字子初。零陵人。宿昔所忌恨。備自新野南奔。巴不從備而北。

詣操。後入蜀。璋欲迎備。巴又諫之。皆處之顯任。盡其器能。有志之士。無

不競勸。益州之民。是以大和。或欲以成都名田宅。分賜

奴未滅。無用家爲。今國賊非但匈奴。未可求安也。須天下都定。各反桑梓。歸耕本土。乃其宜耳。益州人民。初罹兵革。田宅皆可歸還。令安居復業。乃可役調。得其歡心。不宜奪之。以私所愛也。備從之。諸葛亮治蜀。頗尚嚴峻。人多怨者。法正謂曰。昔高祖入關。約法三章。秦民知德。願君緩刑弛禁。以慰此州之望。亮曰。君知其一。未知其二。秦以無道。政苛民怨。高祖因之。可以宏濟。劉璋暗弱。自焉以來。政德不舉。威刑不肅。君臣之道。漸以陵替。寵之以位。位極則賤。順之以恩。恩竭則慢。所以致敵。實由于此。吾今威之以法。法行則知恩。限之以爵。爵加則知榮。榮恩並濟。上下有節。爲治之要。于斯著矣。

秋七月。曹操擊孫權。

操將擊孫權。參軍傅幹字彥林。北地人。諫曰。今天下未承王命。

者。唯吳與蜀。然吳有長江之險。蜀有崇山之阻。難以威

服易以德懷。可且按甲寢兵。全威養德。以道制勝。操不

從。留少子植。

字子建。

守鄴。以邢顗。

字子昂。河間鄭人。

為植家丞。

防

閑以禮。無所屈撓。由是不合。庶子劉楨。美文辭。植親愛之。楨曰。君侯採庶子之春華。忘家丞之秋實。為上招謗。其罪不小。愚實懼焉。

劉楨字公幹。東平人。

操進軍合肥。至十月。無功而還。

冬十月。夏侯淵討枹罕賊宋建。斬之。

初隴西宋建。因涼州亂。自號河首平漢王。聚眾枹罕。改

元。置百官。三十餘年。至是。操遣夏侯淵自興國。

城名。在今秦州。

秦安縣。

討之。屠枹罕。斬建。淵先破走韓遂于長離。

川名。在秦安縣。

悉降馬超餘眾。畧定諸羌。明年。金城諸將斬送遂首。于

是涼州悉平。

十一月。曹操弑皇后伏氏及皇子二人。

帝自都許以來。守位而已。左右侍御。莫非曹氏之人。議郎趙彥嘗爲帝陳言時策。操惡而殺之。操後以事入見殿中。帝不任其懼。因曰。君若能相輔則厚。不爾。幸垂恩相捨。操失色。俛仰求出。舊儀三公引兵朝見。令虎賁執刀挾之。操出。汗流浹背。自後不復朝請。董承女爲貴人。操誅承。求貴人殺之。帝以貴人有嬖爲請。不得。伏后懼。與父完書。令密圖之。至是事泄。操使郗慮持節策收皇后璽綬。以尙書令華歆爲副。勒兵入宮收后。后閉戶藏壁中。歆壞戶發壁。就牽后出。時帝在外殿。后被髮徒跣行泣過。訣曰。不能復相活邪。帝曰。我亦不知命在何時。顧謂慮曰。郗公。天下寧有是邪。遂將后下暴室。以幽死。

荆州東南門戶吳蜀勢所
必爭然兩雄相扼而操挾
天子以令諸侯遂莫然得
移漢祚權固無足論自私
之罪備不能辭

所生二皇子皆酖殺之兄弟及宗族死者百餘人

未二十年春正月立貴人曹氏操之女為皇后

劉備孫權分荆州備使關羽守江陵權使魯肅屯陸口陸

人江之口在今湖北武昌府
嘉魚縣西南亦曰陸溪口

孫權以劉備已得益州令諸葛瑾從備求荆州備曰須

得涼州當以荆州相與權忿曰此假而不反乃欲虛辭

引歲也遂置長沙零陵桂陽長史關羽逐之權遣呂蒙

襲奪三郡備引兵自至公安遣羽爭之孫權進住陸口

使魯肅將萬人屯益陽漢縣今屬湖南長沙府以拒羽肅邀羽相

見因責數羽羽曰烏林幾名在今湖北安陸府沔陽州東南江濱水經注江水又東逕

烏林南即黃公覆敗魏武處考三國志赤壁之戰多作

烏林蓋赤壁在江之南烏林在江之北故互言之也

之役。左將軍身在行間。戮力破敵。豈得徒勞。無一塊土。而足下來欲收地邪。肅曰。不然。始與豫州覲于長阪。豫州之衆。不當一校。計窮慮極。圖欲遠竄。主上矜愍。豫州身無處所。不愛土地。士民之力。以濟其患。而豫州愆德。墮好。今已藉手西州。又欲剪并荆土。斯蓋凡夫所不忍行。而况整領人物之主乎。羽無以答。會聞曹操將攻漢中。備乃求和于權。權令諸葛瑾報命。遂分荊州。以湘水源出廣西桂林府興安縣。逕湖南之永衡州。至長沙府湘陰縣。滙于洞庭。爲界。長沙江夏桂陽以東屬權。南郡零陵武陵以西屬備。瑾每奉使至蜀。與弟亮但公會相見。退無私面。

秋七月。曹操取漢中。張魯降。

操軍至陽平。

關名。在陝西漢中府沔縣西北。即白馬坡也。今寧羌州亦有關名陽平。乃後代所置。

張魯欲降。其弟衛不肯。率眾拒關堅守。操攻之不能拔。

欲引軍還。會前軍夜迷。誤入張衛別營。營中大驚退散。

操進兵攻之。衛等夜遁。魯眾潰。奔巴中。

魯左右欲悉燒寶貨倉庫。魯曰。

本欲歸命國家。而意未得達。今避鋒銳。非有惡意。實貨倉庫。國家之有。遂封藏而去。操入南鄭。遣

人慰喻魯。復漢寧為漢中。留夏侯淵。張郃守之而還。

司馬懿言于操曰。劉備以詐力虜劉璋。蜀人未附而遠

爭江陵。此機不可失也。今克漢中。益州震動。進兵臨之。勢必瓦解。聖人不能違時。亦不可失時也。是冬。張魯自

操曰。人苦無足。既得龍。復望蜀邪。遂還。巴中。將餘眾降。拜魯鎮南將軍。封閬中侯。

魯將閭圃及五子皆為列侯。

冬十月。始置名號侯。以賞軍功。

裴松之曰。虛封蓋自此始。

丙申二十一年夏四月。曹操自進爵魏王。殺其尚書崔琰。

初。崔琰薦鉅鹿楊訓。操禮辟之。及操進爵。訓發表稱頌。

或笑訓希世浮偽。琰失舉。琰取其草視之。與訓書曰。省

表事佳耳。時乎時乎。會當有變。琰本意譏論者。好譴呵

而不尋情理。有與琰不平者。白之。操怒。以琰意指不遜。

收付獄。髡爲徒隸。白者復云。琰對賓客。虬須直視。若有

所瞋。遂賜琰死。毛玠傷琰無辜。心不悅。人復白玠怨謗。

亦收付獄。桓階和洽爲之陳理。操曰。此捐君臣恩義。妄

不宜有此。然人情難保。要宜考覈。兩驗其實。玠信有謗

言當肆之市朝。若無此言。言事者誣大臣以誤主聽。臣

竊不安操卒不時西曹掾丁儀字正禮。沛郡人。用事。玠之獲罪。

儀有力焉。玠下側目。何夔徐奕獨不事儀。儀嘗笑出之。傳選謂夔宜少下之。夔曰。爲不義。

適足害身。焉能害人。

五月己亥朔日食。

秋七月南匈奴單于入朝于魏。遂留居鄴。

初南匈奴久居塞內。與編戶大同。而不輸貢賦。議者恐其戶口滋蔓。浸難禁制。欲豫爲之防。至是單于呼厨泉入朝于魏。操因留之于鄴。使右賢王去卑監其國。單于歲給綿絹錢穀如列侯。子孫襲號。分其衆爲五部。各立其貴人爲帥。分爲左右前後中五部。散居并州諸郡。監國者居平陽。選漢人爲司馬。以監督之。

丁酉二十二年春正月。曹操擊孫權軍。三月。權降。

先是孫權圍合肥。魏將張遼李典擊之。大敗而還。權爲張遼

所掩襲甘寧凌統等以死扞敵權。至是操擊權進軍居乘駿馬越津橋得去。事在二十年。

巢權保濡須。操逼攻之。權退走。三月操引軍還。權遣使

請降。操報之。

權留將軍周泰督濡須。諸將以泰寒門不

服。權會諸將樂飲。命泰解衣。手指其創痕

流涕曰。幼平卿為孤兄弟戰如熊虎。被創數十。吾亦何

心。不待卿以骨肉之恩。委卿以兵馬之重乎。諸將皆服

平。下蔡人。

夏四月。曹操用天子車服。出入警蹕。

旒垂玉也。十

冕十二旒。

二以象天數。以金為飾。

乘金根車。駕六馬。設

五時副車。

各如方色。馬亦如之。

冬十月。魏以世子丕為王太子。

初。操娶丁夫人。無子。妾劉氏生子昂。卞氏生四子。不彰。

字子

植。熊於是出丁夫人而立卞氏為繼室。植性機警。

多藝能才藻敏贍操愛之操欲以女妻丁儀不以儀曰

眇止之儀由是怨不遂與弟廩字敬及楊修字祖德數

稱植才勸操立以為嗣他日操屏人問賈詡詡嘿然不

對操問其故詡曰屬有所思故不即對耳操曰何思詡

曰思袁本初劉景升父子也操大笑操嘗出征不植並

言有章左右屬目操亦悅焉不悵然自失吳質耳語曰

王當行流涕可也及辭不流涕而拜操及左右咸歔歔

于是皆以植多華辭而誠心不植既任性而行不自雕

飾不御之以術矯情自飾宮人左右並為之稱說故遂

定為太子不抱議郎辛毗頸而言曰辛君知我喜不毗

稷者也代君不可以不戚主國不可以不懼宜久之植

戚宜懼而反以為喜何以能久魏其不昌乎乘車行馳道中開司馬門出操大怒公車令坐死由是

重諸侯科禁而植寵日衰。

劉備進兵漢中。曹操遣將軍曹洪拒之。

張魯之走巴中也。劉備遣黃權迎之。

權言于備曰。若失漢中。則三巴不振。

此為割蜀之股臂也。于是迎魯。

而魯已降操。操遣張郃徇三巴。

巴郡。巴東。巴西。

為三巴。巴東。注見前。巴西。劉璋所置郡治閬中。今保寧府治是也。

巴西太守張飛襲擊

郃。大破之。郃走還南鄭。

事在二十年。

至是。法正說劉備曰。曹

操一舉而降張魯。定漢中。不因此勢以圖巴蜀。而留夏

侯淵。張郃屯守。身遽北還。此非其志不逮而力不足也。

必將內有憂逼故耳。今策淵。郃才畧不勝國之將帥。舉

眾往討。必可克之。克之之日。廣農積穀。觀釁伺隙。上可

以傾覆寇敵。尊獎王室。中可以蠶食雍涼。廣拓境土。下

可以固守要害為持久之計。此蓋天以與。時不可失。

也。備乃進兵。遣張飛、馬超、吳蘭等屯下辨。後漢武都郡治。故城在今

甘肅階州成縣。操遣曹洪拒之。明年曹洪擊吳蘭。斬之。張飛、馬超走。備屯陽平。攻張郃等。不克。

孫權陸口守將魯肅卒。權以呂蒙代之。

孫權遣陸遜。字伯言。吳人。討丹陽山越。注見前。平之。

陸遜言于權曰：克敵寧亂，非眾不濟。而山寇未平，難以

圖遠。可大部伍，取其精銳。權從之。會丹陽賊帥費棧作

亂，扇動山越。權命遜討破之。遂部伍東三郡。丹陽、新都、會稽也。

強者為兵，羸者補戶，得精卒數萬人。宿惡蕩除，所過肅

清。會稽太守淳于式表：遜枉取民人，遜後詣都言次，稱式佳吏。權曰：式白君而君薦之，何也？遜對曰：式意欲

養民，是以白遜。遜豈可復毀式以亂聖聽乎？權曰：此誠長者之事，顧人不能為耳。

戊二十三年春正月少府耿紀字季行司直韋晃太醫令

吉本吉氏周尹吉甫之後本等起兵討曹操不克死之

時有京兆金禕字德偉自以世為漢臣乃發憤與紀

等起兵欲挾天子以伐魏南援劉備不克而死時操在

相長史王必典兵督許中事紀等率眾夜攻必射必中肩會天明眾潰紀等皆被誅必尋亦以創死

三月有星孛于東方

秋七月曹操擊劉備九月至長安

亥二十四年春正月劉備擊夏侯淵破斬之

初夏侯淵戰雖數勝曹操常戒之曰為將當有怯弱時

不可但恃勇也將當以勇為本行之以智計若但任勇

則一匹夫敵耳及是與劉備拒踰年備自陽平南渡

沔水緣山稍前營于定軍山。

在今漢中府沔縣東南。

淵引兵爭之。

法正曰。可擊矣。備使討虜將軍黃忠。

字漢升。南陽人。

乘高鼓譟。

攻之。淵軍大敗。遂斬之。張郃引兵還。督軍杜襲收斂散卒。推郃爲軍主。衆心乃定。

二月壬子晦。日食。

夏五月。劉備取漢中。

操自長安出斜谷。軍遮要以臨漢中。劉備曰。曹公雖來。無能爲也。我必有漢川矣。乃斂衆拒險。終不交鋒。操運米北山下。黃忠引兵欲取之。過期不還。趙雲將數十騎出營視之。值操揚兵大出。雲遂前突其陣。且鬪且却。魏兵散而復合。追至營下。雲入營開門。偃旗息鼓。魏兵疑。

雲有伏。引去。雲以勁弩射魏兵。魏兵驚駭。自相蹂踐。墮

水死者甚衆。

明且備至雲營。視昨戰處。日子龍一身都是膽也。

相守積月。魏軍

士多亡。五月。操引兵還長安。備遂有漢中。

備遣將軍孟達攻房陵。殺

其太守。又遣養子中郎將封。與達會攻上庸。太守申耽

舉郡降。房陵漢縣。後漢末置郡。晉廢郡為縣。今湖北

鄖陽府房縣是。上庸漢縣。後漢末置郡。梁廢。故城在

今鄖陽府竹山縣。劉封。本羅侯寇氏子。孟達。扶風人。

秋。七月。劉備自立為漢中王。

備設壇場于沔陽。

漢縣。故城在今漢中府沔縣。

陳兵列衆。羣臣陪位。

奏以備為漢中王。讀訖。備拜受璽綬。御王冠。立子禪為

王太子。還治成都。以許靖

字文休。汝南平輿人。

為太傅。法正為尚

書令。關羽。張飛。馬超。黃忠。皆進位有差。

初。馬超來降。關羽書與諸葛亮

問超人才。可計比類。亮答曰。孟起兼資文武。雄烈過人。

一世之傑。黥彭之徒。可與益德並驅爭先。猶未及髯之

絕倫超羣也。羽美鬚髯。故亮謂之髯。羽省書大悅。至是司馬費詩奉使授羽印綬。羽聞黃忠位與己並。怒曰。大丈夫終不與老兵同列。不肯受拜。詩曰。昔蕭曹與高祖少小親舊。而陳韓仁命後至。論其班列。韓最居上。未聞蕭曹以此為怨。今王以一時之功。隆崇漢室。然意之輕重。寧當與君侯齊乎。且王與君侯譬猶一體。同休等戚。禍福共之。愚謂君侯不宜計官號之高下。爵祿之多少。為意也。羽大感悟。遽即受拜。費詩字公舉。犍為南安人。

八月。漢中將關羽取襄陽。

關羽使糜芳

弟之二

守江陵。傅士仁守公安。羽自率眾攻

曹仁于樊。仁使于禁。龐德等屯樊北。八月。大霖雨。漢水

溢。平地數丈。禁等七軍皆沒。諸將登高避水。羽乘大船

就攻之。禁窮迫。遂降。龐德力戰。為羽所獲。不屈。羽殺之。

急攻樊城。城多崩壞。不沒者數版。羽乘船臨城。外內斷

絕羽又遣別將圍襄陽。刺史胡修太守傅方皆降。操聞

死流涕曰吾知于禁三十年何意臨危反不及龐德邪。

曹操殺丞相主簿楊修。

初楊修丁儀謀立曹植為魏嗣不患之以車載廢簏。敗箱

也。內作納。吳質與之謀修白操不懼告質質曰無害也。

明日復以簏載絹入修復白之推驗無人操由是疑後

植以驕縱見疏修亦不敢自絕每當就植慮事有闕忖

度操意預作答教十餘條敕門下隨問答之于是教裁

出答已入操怪其捷推問始洩遂收殺之。

冬十月孫權使呂蒙襲取江陵曹操救樊關羽走還權邀

斬之十一月呂蒙卒。

關羽威震華夏。自許以南。往往遙應。曹操議徙許都。以避其銳。司馬懿。蔣濟曰。關羽得志。孫權必不願也。可遣人勸權躡其後。許割江南以封權。則樊圍自解。操從之。初。曾肅以操尚存。勸權撫輯關羽。與之同仇。及呂蒙代肅。以羽驍勇。有兼并之志。勸權取羽。權善之。權嘗爲其子求昏于羽。羽罵其使。不許。權由是怒。至是。蒙上疏曰。羽討樊而多留備兵。必恐蒙圖其後故也。蒙嘗有病。乞還建業以治疾。羽必撤備兵。盡赴襄陽。然後襲其空虛。羽可擒也。遂稱病篤。權露檄召蒙還。旣至。問可代者。蒙曰。陸遜意思深長。才堪負重。而未有遠名。非羽所忌。宜用之。權乃召遜代蒙。遜至陸口。爲書與羽。稱其功美。深

自謙抑羽意大安。稍撤兵付樊。遜具啓陳狀。權遂發兵。

令蒙先行。而爲賤與操。請以討羽自效。時徐晃字公明。河東楊

人。屯宛。助曹仁與羽相持。操用董昭計。權賤言。欲掩取

乞密不露。使羽有備。董昭曰。宜應權以密。而內露之。使

羽聞而還。白護圍則速解。秘而不露。使備得志。非計之

上。且羽爲人彊梁。自恃二城守固。必不速退。操曰。善。乃驛發權書。敕晃以弩射示

羽。羽猶豫不能去。操自雒陽南救仁。駐軍摩陂。在今河

羽羽猶豫不能去。操自雒陽南救仁。駐軍摩陂。在今河

蒙至尋陽。盡伏精兵。舳舻舟名。中使白衣搖櫓。作商賈

人服。晝夜兼行。羽所置江邊屯候。盡收縛之。糜芳傳士

仁皆降。芳。士仁素嫌羽。輕已。羽出軍。供給軍資不蒙遂

入江陵。得羽及將士家屬。皆撫韓之羽聞南郡破。卽南

走還而士卒皆無鬪心。羽在道數使人與蒙相聞。蒙輒

或手書示信。使還。私相參訊。咸知家門無恙。見待過于平時。故無鬪志。會孫權已至。羽西

保麥城。在今安陸府當陽縣東南。因遁走。兵皆解散。纔十餘騎。權先

使潘璋。字文珪。東郡發干人。斷其徑路。十二月。羽至漳鄉。在當陽縣東北。

漳水逕其南。與其子平皆被害。于是孫權遂定荊州。以呂蒙

為南郡太守。陸遜為鎮西將軍。皆封侯。遜屯夷陵。守峽

口。西陵峽口也。三峽之一。在今湖北宜昌府東湖縣西北。復以劉璋為益州牧。駐

秭歸。注見前。未幾卒。呂蒙未及受封。疾發亦卒。

以孫權為驃騎將軍。領荊州牧。

權上書稱臣于操。稱說天命。操以示外曰。是兒欲踞吾

著爐火上耶。陳羣等皆曰。漢祚已終。非適今日。殿下功

綱目于大臣之賢者其卒
具書官爵今以此例曹操
非予之也正以著其為漢
賊也觀其天命在吾云云
可見其心跡矣劉友益謂
幸其死故然迂甚

德巍巍羣生注望故孫權在遠稱臣此天人之應異氣
齊聲殿下宜正大位復何疑哉操曰若天命在吾吾為

周文王矣

庚子二十五年魏文帝曹丕黃初元年是歲僭國一考范

月帝遜位是十月以前猶為漢也通鑑于是年正月即以
魏黃初紀元而于三月仍書改元延康是既以建安為魏
之年而又以延康為魏所改矣綱目
因范紀之文仍作二十五年今依之春正月丞相冀州牧

魏王曹操還至洛陽卒太子丕嗣自為丞相冀州牧

操卒太子丕在鄴凶問至羣臣以為太子即位當俟詔

命尚書陳矯字季弼廣陵東陽人曰王薨于外愛子在側彼此生

變則社稷危乃具官備禮一夕而辦明日以王后令策

太子即王位帝尋遣御史大夫華歆奉策詔授丞相印

綬。魏王璽綬。領冀州牧。于是尊王后曰王太后。葬武王。

于高陵。

操知人善察。難眩以偽。隨才任使。皆獲其用。行軍臨陳。因事設奇。誦敵制勝。變化多端。故能芟刈羣雄。幾平海內。然性刻忌。諸將有計畫勝已者。隨以法誅之。故人舊怨。亦皆無餘。其所刑殺。輒對之流涕。終無所活。

高陵。即西陵。在河南彰德府臨漳縣西。

二月丁未朔日食。

曹丕遣其弟鄢陵

注見前。

侯彰等皆就國。

丕遣其弟皆就國。臨菑

注亦見前。

監國謁者灌均。希指奏臨

菑侯植。醉酒悖慢。劫脅使者。丕貶植為安鄉侯。誅其黨

丁儀。丁廙。并其男口。

魏立法。自今宦者官不得過諸署令。

謂尚方。黃門。掖庭。永巷。御府等署之官。

置散騎常侍。侍郎各四人。以士人補之。

文獻通考。秦置散騎。又置中常

以本州郡人任中正之職
俾品第官材高下其義尚
可訓其法尙可行哉蓋汝
南月口惡習釀成弊政有
如是之甚者

侍。漢因之。後漢省散騎。而中常侍改用宦者。魏黃初初復置散騎。合于中常侍。謂之散騎常侍。又置散騎侍郎。其宦人爲官者。不得過諸署令。作金策藏之石室。

魏立九品法。置州郡中正。

胡三省曰。九品中正自此始。

尙書陳羣。以天朝選用。不盡人才。乃立九品官人之法。

州郡皆置中正。

皆本方之人。

擇有識鑒者爲之。區別人物。第

其高下。

定爲九等。其有言行修著。則升進之。或以五升四。以六升五。倘或道義虧缺。則降下之。或自五

退六。自

六退七。

漢中將孟達。以上庸降魏。

益州將軍孟達。屯上庸。與副軍中郎將劉封不協。率部

曲降魏。達有容止才觀。曹丕愛之。以爲新城。

合房陵。上庸置治房

陵。

太守劉曄。

字子揚。淮南成德人。

曰。達有苟得之心。而恃才好術。

必不能感恩懷義。新城與孫劉接連。若有變態。為國生患。丕不聽。魏遣夏侯尚等襲封。封破走還成都。諸葛亮慮封剛猛難制。勸漢中王因此除之。遂賜封死。

以賈逵為豫州刺史。

時天下初定。刺史多不能攝

總錄也。

郡。逵曰。州本以六條

詔書。察二千石以下。今長吏慢法。盜賊公行。州知而不糾。天下復何取正乎。于是二千石以下。阿縱不如法者。皆奏免之。外修軍旅。內治民事。興陂田。通運渠。吏民稱之。曹丕曰。真刺史矣。布告天下。當以豫州為法。

冬十月。魏王曹丕稱皇帝。廢帝為山陽

此漢河內之山陽縣。故城在今河南

懷慶府。公。修武縣。

左中郎將李伏。太史丞許芝言魏當代漢。見于圖緯。三胡

省注。李伏引孔子玉版。許芝引春秋佐助期。伏之言曰。定天下者。魏公子桓芝之言曰。故白馬令李雲上言。

許昌氣見于當塗高。當塗高者。魏也。象魏者。兩觀闕是也。當道而高大者。魏。魏當代漢。基昌于許。故如雲之言。

也。魏之羣臣。因表勸丕篡位。時丕方如譙。大饗軍士。父

戲。還。帝告祠高廟。遣使持節奉璽綬詔冊。禪位于魏。魏

王丕上書三讓。乃為壇于繁陽。亭名。魏改曰繁昌。故城在今河南許州臨潁縣。

升受璽綬。即皇帝位。改元黃初。奉漢帝為山陽公。居濁鹿城。

在修武。行漢正朔。用天子禮樂。追尊武王曰武皇帝。廟

號太祖。尊王太后曰皇太后。改相國為司徒。御史大夫

為司空。

十二月。魏主丕如洛陽。營宮室。

魏徙冀州士卒家實河南。

魏主丕欲徙冀州士卒家十萬戶實河南。時旱蝗民饑。羣司以爲不可。而丕意甚盛。侍中辛毗求見。丕作色待之。曰。卿謂徙民非邪。毗曰。誠以爲非。丕曰。吾不與卿議。毗曰。陛下置臣謀議之官。安得不與臣議。臣所言非私。乃社稷之慮也。安得怒臣。丕不答。入內。毗隨引其裾。丕奮衣而去。良久乃出。曰。佐治卿持我何太急耶。毗曰。今徙旣失民心。又無以食。必將爲寇。故臣不敢不力爭。丕乃徙其半。

御批歷代通鑑輯覽卷之二十八

蜀漢

起昭烈帝章武元年辛丑至後主炎興元年癸未共二帝四十二年

昭烈皇帝

帝名備字元德涿郡涿

郡治今順天府涿州是

人景帝子中山靖

王勝之裔

勝子貞元狩六年封涿縣陸城亭侯坐酎金失侯因家焉帝祖雄父弘世仕州郡

建

安末自為漢中王

事具前

曹丕篡漢遂正位于蜀

辛丑章武元年

魏黃初二年

夏四月漢中王即皇帝位

蜀中傳言漢帝已遇害于是漢中王發喪制服諡曰孝

愍皇帝羣下競勸王稱尊號乃即帝位于武擔

山名在成都府

城內西北隅

之南大赦改元以諸葛亮為丞相許靖為司徒

置百官立宗廟祫祭高皇帝以下

尹氏起莘曰。通鑑因史筆以紀述。初不別立義例。故以魏紀年。綱目取春秋之義。以示天下萬世之公論。故以昭烈承獻帝之後。紹漢遺統。二者固並行而不相悖也。

孫權徙治武昌。

權自公安徙都于鄂。

漢縣屬江夏郡。今武昌府武昌縣是。

更名鄂曰武昌。

五月立夫人吳氏。

將軍懿之妹。

為皇后。子禪為皇太子。

六月戊辰晦日食。

魏有司以日食奏免太尉。詔曰。災異之作。以譴元首。而歸過股肱。豈禹湯罪已之義乎。其令百官各虔厥職。後有天地之眚。勿劾三公。

秋七月。帝自將伐孫權。

帝恥關羽之沒。將擊孫權。將軍趙雲曰。國賊曹操。非孫

趙雲語深切事勢。獨怪其言。降中之對已云。吳可與為援。而不可圖。何此

曰東伐竟不能止帝至事後乃追思法正乎

權也。若先滅魏，則權自服。今操雖斃，子丕篡位，當因衆心，早圖關中，居河渭上流，以討凶逆。關東義士，必裹糧策馬以迎王師。不應置魏先吳，羣臣諫者甚衆，帝皆不聽。乃畱諸葛亮輔太子守成都，而自率諸軍東下。孫權遣使求和，不許。權遂遣陸遜督諸軍拒守。先是諸葛瑾別遣親人與漢相聞者，權曰：孤與子瑜，有生死不易之誓。子瑜之不負孤，猶孤之不負子瑜也。陸遜亦表瑾必無此。權報曰：元德昔遣孔明至吳，孤嘗語子瑜曰：卿與孔明同產，何不畱之？子瑜言亮已委質于人，義無二心。弟之不畱，猶瑾之不往也。其言足貫神明。今豈當有此乎？孤與子瑜，可謂神交，非外言所間。知卿意至，輒封來表示之矣。

車騎將軍張飛爲其下所殺。

飛雄猛亞于關羽。羽善待卒伍而驕于士大夫。飛愛禮君子而不恤軍人。帝常戒之。飛不悛。至是當率萬人會江州臨發。為帳下所殺。以其首奔孫權。帝聞飛營都督有表曰。噫。飛死矣。胡三省曰。用兵必觀人事。既失關羽。又喪張飛。兵可以無出矣。

八月。孫權遣使降魏。魏封權為吳王。

權遣使稱臣。送于禁等還魏。魏受吳降。朝臣皆賀。劉曄獨曰。權無故求

降。必內有急。恐中國往承其釁也。宜大興師。徑渡江襲之。蜀攻其外。我攻其內。吳之亡不出旬月。吳亡則蜀亦不能久存矣。

遣太常邢貞奉策拜權為吳王。加九錫。貞至

吳。權出都亭候貞。貞入門不下車。張昭曰。君敢自尊大。豈以江南寡弱。無方寸刃乎。貞即下車。中郎將徐盛忿

憤。謂同列曰。盛等不能奮身出命。為國家并許洛。吞巴蜀。而令吾君與貞盟。不亦辱乎。因涕泣橫流。貞聞之。謂

其徒曰。江東將相如此。非人。人。已而吳遣中大夫趙者也。徐盛字文衡。琅邪莒人。

如此等問答或出於使者
自記以見已長未可盡信
且以曹丕求珍責任子不
明時勢之人安能有屢更
其端之問如出一手之文
乎迂儒昧此不知遂至決
裂好名之舉紛如

楊彪以漢三公不受魏爵
託於大義自持則何不罵
賊而死乎觀其於光祿大

咨字德度入謝于魏魏主丕問咨曰吳王何等主也咨

其狀對曰納魯肅于凡品聰也拔呂蒙于行陣明也獲

于禁對曰不害仁也取荆州而兵不血刃智也據有三州

虎視四方雄也屈身于陛下略也不曰頗知學乎對曰

吳王任賢使能志存經略雖有餘閒博覽書史然不效

書生尋章摘句而已曰吳可征不對曰大國有征伐之

兵小國有備禦之固曰吳難魏乎對曰帶甲百萬江漢

為池何難之有曰吳如大夫者幾人對曰聰明特

達者八九十人如臣之比車載斗量不可勝數魏遣

使求珍物于吳魏主丕求大貝明珠象牙玳瑁孔雀翡翠

有常典魏所求非禮宜勿與吳王權曰彼所求者于我

瓦石耳孤何惜焉且彼在諒闇而所求若此寧可與言

禮哉具以與之

冬十月魏以楊彪為光祿大夫

初魏主丕欲以彪為太尉彪辭曰嘗為漢朝三公值世

衰亂不能立尺寸之益若復臣魏于國之選亦不為榮

夫之拜賜几杖施行馬恬
不知恥辭十萬而受萬倘
得謂無虧全節耶既貪生
復好名千秋以下正論難
逃終於進退無據而已

也。及是公卿朝朔旦。乃并引彪。待以客禮。賜几杖。使著
布單衣。皮弁以見。拜光祿大夫。朝見位次三公。又令門
施行馬。即周禮樅栌。一木橫中。兩木互穿。施之于門。以為約禁也。魏晉之制。三公始得用之。以優
崇之。

孫權立子登。字子高。為太子。

吳王權為登妙選師友。于是諸葛恪。字元遜。瑾之子。張休。字叔

之顧譚。字子默。雍之孫。雍字元嘆。吳人。長子邵。邵子陳

表。字文奧。武之子。武字子烈。廬江松滋人。以選為中庶子。入講詩書。出從

騎射。待以布衣之禮。謂之四友。魏欲封登萬戶侯。權以

年幼辭之。權遣西曹掾沈珩謝魏。魏主丕問曰。聞太子

若此之議。無所聞也。不善之。沈以國為氏。珩字仲山。吳郡人。

魏置護鮮卑烏桓校尉。

初魏太祖既克蹋頓。烏桓浸衰。鮮卑大人軻比能素利

彌加等。因求通市。太祖皆表以爲王。軻比能本小種。以

勇健廉平。爲衆所服。威制餘部。時自雲中。五原東抵遼

水。在今奉天府西。有東西二源。合流而南。逕開原。鐵嶺

二縣西。又南逕承德。遼陽。海城之西。又南入海。此河

左右。即漢遼東皆爲鮮卑庭分地。統御。軻比能近塞中

國叛人多歸之。素利等在塞外道遠。故不爲邊患。魏主

丕以牽招爲護鮮卑校尉。田豫字國讓。漁陽雍奴人。爲護烏桓校

尉。使鎮撫之。保塞鮮卑步度根。檀石槐之後也。軻比能

史王雄使人刺殺軻比能。種落離散。邊陲遂安。

印七卷。自晉書

卷之二十一。蜀漢昭烈帝

四

壬寅二年。魏黃初三年。吳大帝孫權黃武元年。春正月。丙寅朔。日食。

魏除貢士限年法。

郡國所選。勿拘老幼。儒通經史。吏達文法。到皆試用。

帝進軍獠

許交亭。在荊州府宜都縣。反。西。今名虎腦背市。

帝自秭歸將進擊吳。黃權曰。水軍沿流進。易退難。臣請

先驅以當寇。陛下宜為後鎮。帝不從。以權督江北諸軍。

自率諸將自江南緣山截嶺。軍于夷道。

今宜都。漢夷道也。蜀漢置宜都。

郡治獠亭。

吳將皆欲迎擊之。陸遜曰。彼銳氣始盛。乘高此。守險難可卒攻。今且獎厲將士。以觀其變。彼

勢不得展。自當罷于木石之間。徐制其敝耳。諸將皆以為怯。

帝復自猓

音恆。山。猓縣。

北宜昌府長陽縣。是縣西北有猓山。

通武陵。使馬良字季常。襄陽宜城人。以金錦賜

五谿諸蠻夷。授以官爵。

三月。魏立子弟為王。

時諸侯王皆寄地空名而無實國各有老兵百餘人以爲守衛隔絕于里之外不聽朝聘設防輔監國之官以同察之雖有王侯之號皆思爲匹夫而不可得

千

夏六月吳陸遜進攻猇亭諸軍敗績帝還永安

卽白帝城

帝自巫峽

在今四川夔州府巫山縣東與西陵峽歸峽並稱三峽

建平

吳郡治巫今巫山縣

也。蜀三省曰是時未有建平史追書耳。

連營至夷陵界立數十屯自正月

與吳相拒至六月不決

帝遣吳班將數千人于平地立營吳將帥欲擊之陸遜曰此必

有備且觀之帝知計不得行乃引伏兵八千從谷中出

是日吳以不聽諸君擊之者以此故也遂上疏吳王權

曰夷陵國之關限失之則荊州可憂臣初嫌彼水陸俱

進今吳捨船就步處處結營察其布置必無他變矣

遜將進攻漢軍諸將曰攻當在初今諸要害皆已固守

擊之必無利遜曰彼更事多其軍始集思慮精專未可

干也。今住既久，不得我便。兵疲意沮，計不復生。犄角此

軍，正在今日。乃先攻一營，不利。遜曰：「吾已曉破之之術，

乃救各持一把茅，以火攻拔之。」遂率諸軍同時俱攻，破

四十餘營。帝升馬鞍山，在宜昌府東湖縣西北。陳兵自繞，遜促兵

四面蹙之，土崩瓦解。死者萬數。帝收散兵，棄船，由步道

還白帝。改魚復縣曰永安。舟械軍資略盡。帝大慙，悲曰：「吾乃為

陸遜所折辱，豈非天邪？」將軍傅彤義陽人。為後殿，兵眾盡

死。彤氣益烈。吳人使降，彤罵曰：「吳狗，安有漢將軍而降

者？」遂死之。從事祭酒程畿字季然，閬中人。泝江而退，眾勸其走。

畿曰：「吾在軍，未習為敵之走也，亦死之。」初，諸葛亮與法

以公義相取。亮每奇正智術，及是正已卒。亮歎曰：「孝直若在，必能制主上東行，就行必不危矣。是秋，黃權以道

絕不得還。遂率其衆降魏。馬良亦死于五谿。

秋七月魏冀州大蝗饑。

九月魏立法自今后家不得輔政。

詔曰婦人與政亂之本也。自今以後羣臣不得奏事太后。后族之家不得輔政。及橫受茅土。後世有背違者天下共誅之。

魏遣將軍曹休字文烈。操族子。等擊吳。吳王權改元拒魏。魏主不

自將擊之。

劉曄所諫數語切中事機。然應於遣使之先則更善矣。

魏主不遣使責吳。任子不至。怒欲伐之。劉曄曰。彼新得志。上下齊心。而阻帶山湖。不可倉卒制也。不從。命將軍曹休等出洞口。

胡三省注。在歷陽江邊。歷陽注見前。曹仁出濡須。曹真字

丹操等圍南郡。吳遣將軍呂範以舟師拒休。諸葛瑾等

救南郡。朱桓

字休穆。吳人。

拒仁。時揚越蠻夷多未平集。權以

內難未弭。卑辭上書。魏主丕求自改厲。又欲與子登求

昏。丕報曰。朕之與君。大義已定。若登朝到。夕召兵還耳。

于是權改元黃武。臨江拒守。丕自許昌

魏黃初二年。改許縣曰許昌。

南伐之。

冬十一月庚申晦。日食。

吳人來聘。遣大中大夫宗瑋報之。

孫權遣使請和。帝許之。遣宗瑋報命。于是與吳復通。

癸卯三年。

帝禪建興元年。魏黃初四年。吳黃武二年。

汪克

主建興元年。按綱目名號例。秦漢以下。凡正統之君。曰帝。無統稱。帝者曰某主。今刊本綱目。于蜀志先主。大書昭烈。

皇帝而後主未革舊史。仍書後主。蓋當時錄者因史舊文。而朱子偶未及改也。當依晉帝奕例。書曰帝禪。又按改元例。凡中歲而改元者。以前為正。而注所改于下。是年五月。後主即位。改元建興。今綱目刊本。于是年歲首。即書建興元年。而不著章武三年。蓋亦鈔錄之誤。當從提要及紫陽本。大書三年。分注帝禪建興元年。而明年大書建興二年。汪氏之說如春。魏師攻濡須。別將圍江陵。皆不克。引還。此今依之。

先是曹休在洞口。會暴風吹吳呂範船。綆纜悉斷。魏軍乘之。頗有斬獲。已吳救船至。魏軍戰敗而還。及是曹仁

以步騎數萬向濡須。吳督朱桓兵纔五千人。乃偃旗鼓。

示弱以誘之。

時諸將皆懼。桓曰。勝負在將。不在眾寡。兵

卒勇怯等耳。今仁非智勇。士卒甚怯。千里步涉。人馬罷困。桓與諸君共據高城。臨江背山。以逸待勞。以主制客。此百戰百勝之勢。雖曹丕

自來。尚不足憂。況仁等邪。

仁遣其子泰攻濡須城。分遣

常雕王雙等襲中洲。

桓部曲妻

桓遣別將擊雕等。而身

白拒泰。泰燒營退。桓遂斬離。生虜雙。是時。朱然字義封。本姓施。

氏。朱治。方鎮江陵。曹真。夏侯字伯仁。等圍之。諸葛瑾

以兵來救。為尙所卻。于是中外斷絕。城中兵多腫病。真

等起土山。鑿地道。弓矢雨注。將士皆失色。然無恐意。方

厲兵伺隙。攻破魏兩屯。魏軍攻圍然。凡六月。不能克。夏侯

尙欲乘船。將步騎入渚中安屯。作浮橋。南北往來。議者

多以為城。必可拔。董昭上疏曰。今屯渚中。至深也。浮橋

而濟。至危也。一道而行。至隘也。三者兵家所忌。而今行

之。恐渚中精銳。將轉而為吳矣。魏主不即詔尙等促出

吳人擊之。魏兵僅而得脫。會大疫。不悉召諸軍還洛陽。初。不問賈詡

曰。吾欲伐。不從命。以一天下。吳蜀何先。對曰。備有雄才。諸葛亮善治國。孫權識虛實。陸遜見兵勢。據險守要。汎舟江湖。皆難卒謀也。用兵之道。先勝後戰。量敵論將。故

舉無遺策。今羣臣無備。權對雖以天威臨之。未見萬全之勢也。丕不納。軍竟無功。

夏四月。帝崩于永安。丞相亮受遺詔輔政。五月。太子禪卽

位。是爲尊皇。后曰皇太后。改元大赦。封亮爲武鄉侯。領益

州牧。

昭烈於亮平日以魚水自喻。亮之忠貞。豈不深知。受遺時。何至作此猜疑語。三國人情。以譎詐相尙。鄙哉。

諸葛亮至永安。帝病篤。命亮輔太子禪。以尙書令李嚴爲副。帝謂亮曰。君才十倍曹丕。必能安國。終定大事。嗣子可輔。輔之。如其不可。君可自取。亮涕泣曰。臣敢不竭股肱之力。効忠貞之節。繼之以死。帝又詔敕禪曰。勿以惡小而爲之。勿以善小而不爲。惟賢惟德。可以服人。汝父德薄。不足效也。汝與丞相從事。事之如父。遂崩。亮奉

喪還成都以嚴為中都護。留鎮永安。禪卽位。年十大赦。

改元建興。封亮為武鄉侯。領益州牧。政事咸取決焉。亮

官職。修法制。發教與羣下曰。夫參署者。集眾思。廣忠益。

也。若遠小嫌。難相違覆。曠闕損矣。違覆而得中。猶棄敝

蹻而獲珠玉。然人心苦不能盡。惟徐元直處茲不惑。又

董幼宰參署七年。事有不至。至于十反。來相改告。苟能

慕元直之十一。幼宰之勤渠。有忠于國。則亮可少過矣。

亮常自校簿書。主簿楊顥諫曰。為治有體。上下不可相

侵。請為明公以作家。譬之。今有人使奴執耕。婢典爨。雞

司晨。犬吠盜。牛負重。馬涉遠。私業無曠。所求皆足。雍容

高枕。飲食而已。忽一旦盡欲以身親其役。形疲神困。終

無一成。豈其智之不如奴婢雞狗哉。失為家主之法也。

是故古人稱坐而論道。謂之三公。作而行之。謂之士大夫。

丙吉不問死。人陳平不知錢穀。彼誠達于位分之體。

也。今公躬校簿書。流汗終日。不亦勞乎。亮謝之。

父顯卒。亮垂泣三日。楊顥字子昭。襄陽人。

六月。益州郡耆長也。帥雍闓。等以四郡。益州。永

昌。將叛。

楊顥之言似是而非蓋當時主少國疑之日非亮躬親整頓國事何賴觀其發教所稱集思廣益云云足見其忠亦矣不知此又何足與言鞠躬盡瘁之義

初益州郡耆帥雍闓殺太守。因士燮求附于吳。吳以爲永昌太守。闓又使郡人孟獲誘扇諸夷。牂牁越嶲皆叛。應闓丞相亮以新遭大喪。撫而不討。務農殖穀。閉關息民。民安食足而後用之。

秋八月葬惠陵。

在四川成都府華陽縣西南。

考昭烈

史臣曰。先主之宏毅寬厚。知人待士。蓋有尚祖之風。及其舉國託孤于諸葛亮。心神無貳。誠君臣之至公。古今之盛軌也。機權幹略。不逮魏武。是以基宇亦狹焉。

魏以鍾繇爲太尉。

時魏三公無事。希與朝政。廷尉高柔

字文惠。陳畱園人。

上疏曰。

公輔國之棟梁。而不使知政。遂各偃息。養高。鮮有進納。誠非朝廷崇用大臣。大臣獻可替否之義也。古者刑政

有疑。輒議于槐棘之下。

周禮。朝士掌外朝之法。面三槐三公位焉。左九棘。孤卿大夫位

焉。自今有疑議大事。宜訪三公。三公朝朔望。口可特延

論。博盡事情。庶有補益。魏主不嘉納之。

遣尙書鄧芝

字伯苗。新野人。使吳。

芝言于丞相亮曰。上初卽位。宜申吳好。亮然之。卽遣芝于吳。時吳王猶未與魏絕。不時見芝。芝請見曰。臣今來亦欲爲吳。非但爲蜀也。吳王權見之曰。孤誠願與蜀和親。然恐蜀主幼國小。爲魏所乘。不自全耳。芝曰。大王命世之英。諸葛亮一時之傑。蜀有重險。吳有三江。共爲唇齒。進可兼并天下。退可鼎足而立。今若委質于魏。魏必望大王入朝。求太子內侍。若不從命。則奉辭伐叛。蜀亦

順流見可而進。如此則江南之地非復大王有也。權默然良久曰：「君言是也。」遂絕魏專與漢連和。明年吳使張信使不絕。時事所宜。吳王權常令陸遜語諸葛亮。又刻印置遜所。每與帝及亮書。必以示遜。有不妥。輒改而封之。鄧芝復至吳。權謂曰：「若天下太平。二主分治。不亦樂乎？」芝對曰：「天無二日。土無二主。如并魏之後。大王未識天命。君各茂其德。臣各盡其忠。則戰爭方始耳。」權大笑曰：「君之誠款。乃當爾耶？」張溫字惠恕。吳人。立皇后張氏。飛之女。

帝禪

甲辰建興二年。

魏黃初五年。吳黃武三年。

夏四月。魏立太學。

初平以來。學道廢墜。至是。魏初立太學。置博士。依漢制。設五經課試之法。

秋八月。魏主丕以舟師擊吳。臨江而還。

魏主不大興軍伐吳

辛毗諫曰天下新定士廣民稀而欲用之未見其利今日之計莫若

養民屯田十年然後用之則役不再舉矣不從

留尚書僕射司馬懿鎮許昌

親御龍舟循蔡

蔡水即汴渠分流注見前

潁

注亦見前

浮淮如壽春至廣

陵

吳將軍徐盛列舟艦于江而植木衣葦為疑城假樓自石頭至于江乘聯綿數百里一夕而就

江乘縣

名注見前

時江水盛長不臨望嘆曰魏雖有武騎千羣無所

用之未可圖也會暴風至龍舟幾覆于是旋師

臣問羣臣權當

自來否劉聘曰彼謂陛下欲以萬乘之重牽已而超越江湖者在于別將必勒兵待事未有進退也既而吳王

權果不至

冬十一月戊申晦日食

己丑

三年

魏黃初六年吳黃武四年

春三月丞相亮南征討雍闓斬之遂

平四郡

七縱之擒為記載所豐稱
無識已甚蓋繼夷固當使
之心服然以縛渠屬遣直
同兒戲一再為甚又可七
乎即云几上之肉不足慮
而脫講試鷹發押嘗虎終
非善策且彼時亮之所急
者欲定南而伐北豈宜屢
縱屢擒耽延時日之理知
其必不出此

亮率眾討雍闓。

問討于參軍馬謖謖曰南中恃其險遠

遣類以除後患又非仁者之情也。用兵之道攻心為上。攻城為下。心戰為上。兵戰為下。願公服其心而已。亮納之。馬謖字幼常。良之弟。

至南中所在戰捷。由越嶲入斬雍闓等。孟

獲素為夷漢所服。收餘眾拒亮。亮募生致之。既得。使觀

于營陳間。獲曰。向者不知虛實。故敗。今祇如此。即易勝

耳。乃縱使更戰。七縱七禽。而亮猶遣獲。獲止不去。曰。公

天威也。南人不復反矣。遂入滇池。

漢益州治。今雲南府晉寧州是。益州

永昌。牂牁。越嶲。四郡皆平。亮即其渠率而用之。

或以諫亮曰。

畱外人。則當畱兵。兵畱則無所食。一不易也。夷新傷破。父兄死喪。畱外人而無兵。必成禍患。二不易也。又夷累有廢殺之罪。自嫌釁重。畱外人終不相信。三不易也。今吾欲使不畱兵。不運糧。而綱紀粗定。夷漢粗安。故耳。

于是悉收其俊傑孟獲等。以為官屬。出其金銀丹漆。耕

牛戰馬。以給軍國之用。終亮之世。夷不復反。

夏六月。吳以顧雍爲丞相。

雍爲人寡言。舉動時當。權嘗歎曰。顧公不言。言必有中。初。領尚書令。封侯還。而家人不知。及爲相。所用文武吏。各隨其能。心無適莫。時訪逮民間。及政職所宜。輒密以聞。用之則歸于上。不用終不宣泄。權以此重之。權常令中書郎

詣雍。有所咨訪。若事可施行。雍卽與反覆究論。爲設酒食。如不合意。正色不言。權曰。顧公歡悅。是事合宜。其不言者。孤當重思之。江邊諸將。各欲立功自效。多陳便宜。有所掩襲。雍曰。兵戒小利。此等欲邀功名而爲其身。非爲國也。不宜聽。權從之。

秋八月。魏主丕以舟師自淮擊吳。冬十月。臨江而還。

先是。魏主不議伐吳。鮑勛字叔業。諫曰。往年龍舟飄蕩。

補劉諸葛亮之言正當
於此用之爲人君而親受

宗廟幾覆。今又勞兵襲遠。虛耗中國。竊以爲不可。丕怒。
左遷之。至是以舟師自譙循渦入淮。蔣濟言水道難通。
不從。十月。如廣陵故城。在今江南揚州府東北。臨江觀兵。戎卒十
餘萬。旌旗數百里。有渡江之志。吳人嚴兵固守。時大寒
冰。舟不得入江。丕見波濤洶湧。歎曰。嗟乎。固天所以限
南北也。遂歸。吳孫韶字公禮。吳人。本姓俞氏。賜姓爲孫。等率敢死士。于
徑路夜要丕。獲副車羽蓋。

丙午四年。

魏黃初七年。吳黃武五年。

春。中都護李嚴移屯江州。

丞相亮欲出軍漢中。李嚴當知後事。移屯江州。畱護軍

陳到

字叔至。汝南人。

駐永安。而統屬于嚴。

吳令諸將屯田。

田是何政體宜其忽爾稱
帝忽爾降魏忽爾伐蜀忽
爾行成總無定見也

陸遜以所在少穀表請諸將增廣農畝吳王權報曰甚
善孤父子親受田車中八牛以爲四耦二耦爲耦耕田器也雖未
及古人亦欲與衆均勞耳

魏殺其執法鮑勛免將軍曹洪官

魏主丕之爲太子也郭夫人弟有罪魏郡都尉胡三省注建安

中魏武分魏郡置東西部都尉謂之三魏鮑勛治之請不能得及卽位勛數

直諫不益忿之及伐吳還屯陳畱界勛爲治書執法太

守孫邕過勛時營壘未成但立標埒邕行不從正道營

令史欲推之勛解止不舉以塹壘未成爲解止而不舉也丕聞之詔曰

勛指鹿作馬收付廷尉法議謂引法而議正刑五歲正結正也五歲

刑疑錯三官廷尉正也駁依律罰金丕大怒曰勛無活分而

魏文以貸絹宿嫌免曹洪
官已失予奪之正至鮑勛
守法不阿方當錄用以勵
羣下乃必欲寘之於死徇
私怨而昧公義孫權之見
並不及矣

汝等欲縱之收三官已下付刺姦

後漢書百官志將軍屬有刺姦掾主罪法

當令十鼠同穴鍾繇華歆陳羣辛毗高柔並奏勛父信

有功于太祖求免勛罪丕不許柔固執不奉詔丕怒甚

召柔詣臺遣使誅勛然後遣柔還寺驃騎將軍曹洪富

而吝不在東宮嘗從貸絹不稱意至是以舍客犯法下

獄當死羣臣救不能得卞太后責丕曰梁沛之間非子

廉無今日又謂郭后

后于黃初三年由貴嬪立后

曰洪今日死吾明

日敕帝廢汝于是郭后泣請乃得免官削土爵

夏五月魏主丕卒太子叡

字元仲是為魏明帝

初郭后無子魏主丕使母養平原王叡叡母被誅

叡母甄夫

人本袁熙妻文帝納之故未建為嗣叡事后甚謹后亦

愛之。

不嘗與獻獵。見子母鹿。既射其母。命獻射其子。獻泣曰。陛下已殺其母。臣不忍復殺其子。不釋弓矢。

為之惻然。

及是不疾篤。立為太子。召中軍大將軍曹真鎮軍。

陳羣撫軍司馬懿並受遺詔輔政而卒。太子獻即位。尊

皇太后曰太皇太后。皇后曰皇太后。追諡甄夫人曰文

昭皇后。葬文帝于首陽陵。

在今河南府偃師縣西北。首陽山南。

秋八月。吳王權圍魏江夏。不克。

吳王權聞魏喪。自將攻江夏。太守文聘

字仲業。南陽宛人。

堅守。

魏朝議欲發兵救之。魏主獻曰。權習水戰。今敢陸攻者。

冀掩不備也。已與聘相拒。攻守勢倍。終不敢久。未幾果

退。

是月。吳將軍諸葛瑾攻魏襄陽。魏司馬懿擊破之。

魏徵處士管寧不至。

寧在遼東三十五年。魏主丕徵之。乃浮海西歸。以為大
中大夫。不受。至是。華歆為太尉。讓位于寧。不許。徵為光
祿大夫。敕青州給安車吏從。以禮發遣。寧復不至。

丁未五年。

魏明帝曹叡太和元年。吳黃武六年。

春三月。丞相亮率諸軍出屯漢

中。以圖中原。

亮率諸軍北駐漢中。使長史張裔

字君嗣成都人。

叅軍蔣琬

字公

瑛。零陵湘陰人。

統留府事。

臨發。上疏曰。先帝創業未半。而中道

崩殂。今天下三分。益州疲敝。此誠危

急存亡之秋也。然侍衛之臣。不懈于內。忠志之士。忘身
于外者。蓋追先帝之殊遇。欲報之于陛下也。誠宜開張
聖聽。以光先帝遺德。恢宏志士之氣。不宜妄自菲薄。引
喻失義。以塞忠諫之路也。宮中府中。俱為一體。陟罰臧
否。不宜異同。若有作姦犯科。及為忠善者。宜付有司論
其刑賞。以昭陛下平明之理。不宜偏私。使內外異法也。
侍中侍郎郭攸之。費禕。董允等。此皆良實。志慮忠純。是
以先帝簡拔。以遺陛下。愚以為宮中之事。事無大小。悉

以咨之。然後施行。必能裨補闕漏。有所廣益。將軍向寵。性行淑均。曉暢軍事。試用於昔日。先帝稱之曰能。是以眾議舉寵為督。愚以為營中之事。悉以咨之。必能使行陳和睦。優劣得所。親賢臣。遠小人。此先漢所以興隆也。親小人。遠賢臣。此後漢所以傾頹也。先帝在時。每與臣論此事。未嘗不嘆惜痛恨。于桓靈也。侍中尚書長史叅軍。此悉端良死節之臣。願陛下親之信之。則漢室之隆。可計日而待也。臣本布衣。躬耕南陽。苟全性命于亂世。不求聞達于諸侯。先帝不以臣卑鄙。猥自枉屈。三顧臣于草廬之中。諮臣以當世之事。由是感激。遂許先帝。以馳驅。後值傾覆。受任於敗軍之際。奉命於危難之間。爾來二十有一年矣。先帝知臣謹慎。故臨崩寄臣以大事也。受命以來。夙夜憂懼。恐付託不效。以傷先帝之明。故五月渡瀘。深入不毛。今南方已定。兵甲已足。當獎率三軍。北定中原。庶竭駑鈍。攘除姦凶。興復漢室。還于舊都。此臣所以報先帝而忠陛下之職分也。至于斟酌損益。進盡忠言。則攸之。禕允之任也。願陛下託臣以討賊興復之效。不效。則治臣之罪。以告先帝之靈。責攸之。禕允等之慢。以彰其咎。陛下亦宜自謀。以諮諏善道。察納雅言。深追先帝遺詔。臣不勝受恩感激。今當遠離。臨表涕零。不知所言。遂行。臣郭攸之。南陽人。費禕。字文偉。江夏鄢人。董允。字休昭。和之子。向寵。襄陽宜城人。向朗。兄子。

瀾水。卽古若水。注見前。

亮屯于河北陽平石馬。

水經注。沔水逕白石馬戍。南謂之白馬。

城一名陽平關。東有武侯壘。據此石馬。卽白馬也。注見前。

魏主叡聞之。欲大發兵。

迎擊。以問孫資。

字彥龍。太原人。

資曰。昔武皇取張魯。危而後濟。

數言南鄭直爲天獄中。斜谷道爲五百里石穴。今若進。

軍道旣險阻。且必當更有所興發。天下騷動。此宜深慮。

不若但以見兵。分命大將。據諸要險。亦足以震懾疆寇。

鎮靜疆場。乃止。

夏四月。魏復行五銖錢。

自董卓壞五銖錢。至魏文帝始復之。旣而以穀貴。罷錢。

而用穀帛。人多巧僞。競以濕穀薄絹爲市。嚴刑不能禁。

于是復行五銖錢。

戊申六年魏太和二年春丞相亮伐魏戰于街亭即街泉亭本漢縣後漢省在今甘肅秦州秦安縣東北通典街泉亭馬謖敗處敗績詔貶亮右將軍行丞相事

初魏以夏侯楸字子林惇中子淵之子綱目因之今依魏志又注都督

關中至是丞相亮將伐魏司馬魏延字文長義陽人曰楸主壻

也楸尚太祖女清河公主怯而無謀今假延精兵五千資糧五千

直從褒中注見前出循秦嶺在西安府藍田縣南東起商洛西盡汧隴而東當

子午谷名路通南北北口曰子在漢中府洋縣東北而北不過十

日可到長安楸聞延奄至必棄城走比東方合聚尙二

十許日而公從斜谷注見前來亦足以達如此則一舉而

咸陽已西可定矣亮以此為危計不用揚聲出斜谷取

郃使將軍趙雲鄧芝為疑軍據箕谷

箕山之谷在今漢中府褒城縣北

魏使曹真督諸軍軍郃以拒之亮乃率大軍攻祁山戎

陳整齊號令明肅始魏以昭烈既崩數歲寂然無聞是

以畧無豫備而卒聞亮出朝野恐懼于是天水南安

後漢

靈帝時置郡治獬道故城在今鞏昌府隴西縣安定皆舉軍應亮關中響震魏

主獻如長安右將軍張郃率步騎五萬拒亮亮使叅軍

馬謖督諸軍與郃戰于街亭謖違亮節度舍水上山郃

絕其汲道擊大破之亮乃拔西縣

此漢西縣故城在今秦州漢中府沔縣亦

有西縣故城千餘家還漢中

初亮以謖才術過人深加器異昭烈帝臨終謂曰謖

言過其實不可大用君其察之亮未以為然引謖叅軍

事每與談論自晝達夜至是乃收殺之而自臨祭為之

流涕撫其遺孤謖之未敗也裨將軍王平連規諫謖謖

不能用及敗衆散惟平所領千餘人鳴鼓自守張郃疑

其有伏不敢偏。于是平徐徐收合諸營散兵以還。亮拜平參軍。進位封侯。王平字子均巴西宕渠人。亮

上疏請自貶三等。詔以右將軍行丞相事。趙雲亦以箕

谷兵敗坐貶。亮于是考微勞甄壯烈。引咎責躬。布所失

于境內。厲兵講武。以為後圖。戎士簡練。民忘其敗矣。先

是亮出祁山。天水參軍姜維字伯約冀人。詣亮降。亮美其膽

智。使典軍事。

吳人誘魏揚州牧曹休戰于石亭。在今江南安慶府潛山縣東北。大敗之。

吳使鄱陽太守周魴字子魚吳郡陽美人。詐以郡降于魏。魏揚州

牧曹休率步騎十萬向皖以應之。魏主叡又使司馬懿

向江陵。賈逵向東關。在廬州府巢縣東南。三道俱進。八月吳主權

至皖。以陸遜為大都督。假黃鉞。以朱桓全琮字子璜錢唐人。為

左右督各督三萬人以擊休。桓曰。休以親見任。非智勇

必由夾石。掛車。此兩道險阨。若以萬兵柴路。則彼眾可

盡而休可虞。臣請將所部以斷之。若得休。則可乘勝長

驅。進取壽春。以規許洛。此萬世一時也。權以問陸遜。遜

以為不可。乃止。夾石。即今北峽山。在安慶府桐城縣

北。掛車。山名。戰于石亭。遜令桓。琮為左右翼。衝休伏兵。

因驅走之。追至夾石。斬獲萬餘。資仗畧盡。初。獻命賈逵

合。逵曰。賊無東關之備。必并軍于皖。而休深入與戰。必

敗。乃亟進。聞休已敗。而吳遣兵斷夾石。逵兼道進軍。多

設旗鼓疑兵。吳人驚退。休乃得還。

冬十二月。右將軍亮伐魏。圍陳倉。不克而還。斬其追將王

雙。

右將軍亮。聞曹休敗。魏兵東下。關中虛弱。欲出兵擊魏。

羣臣多以為疑。亮乃上言于帝。畧曰。先帝以漢賊不兩

立。王業不偏安。故託臣

以討賊。以先帝之明。量臣之才。固知臣伐賊。才弱敵疆也。然不伐賊。王業亦亡。惟坐而待亡。孰與伐之。是故託臣而弗疑也。臣受命之日。寢不安席。食不甘味。思惟北征。宜先入南。故五月渡瀘。深入不毛。臣非不自惜也。顧王業不可偏安于蜀都。故冒危難。以奉先帝之遺意也。而議者謂爲非計。今賊適疲于西。又務于東。兵法乘勞而進。趨之則捷。且高帝明並日月。謀臣淵深。然涉險被創。危然後安。今陛下未及高帝。謀臣不如良平。而欲以長計取勝。坐定天下。此臣之未解一也。劉繇王朗各據州郡。論安言計。動引聖人。羣疑滿腹。衆難塞胸。今歲不戰。明年不征。使孫策坐大。遂并江東。此臣之未解二也。臣到漢中。中間期年。已喪趙雲等。及曲長屯將七十餘人。突將武騎一千餘人。皆數十年所糾合。四方之精銳。非一州之所有。若復數年。則損三分之一。當何以圖敵。此臣之未解三也。今民窮兵疲。而事不可息。事不可息。則住與行勞費正等。而不及虛圖之。欲以一州之地。與賊支久。此臣之未解四也。夫難平者。事也。昔先帝兵敗于楚。曹操拊手謂天下已定。然先帝東連吳越。西取巴蜀。舉兵北征。夏侯授首。此操之失計。而漢事將成也。其後吳更違盟。關羽毀敗。祢歸蹉跌。曹丕稱帝。凡事如是。難可逆見。臣鞠躬盡力。死而後已。至于成敗利鈍。非臣之明所能逆覩也。

按後出師表。蜀志不載。通鑑採裴

注補錄綱目稍刪節之。今依綱目。

十二月引兵數萬出散關。

在今陝西鳳翔府寶

雞縣圍陳倉不克。

初曹真以亮懲于祁山。後必出從陳倉。乃使將軍郝昭守其城。及是亮進

攻之。起雲梯衝車臨城。昭以火箭逆射其梯。人多燒死。昭又以繩連石磨。擊其衝車。折亮乃更爲井闌。百

尺。以射城中。以土丸填塹。欲直攀城。昭又于內築重牆。亮又爲地突。欲踊出于城裏。昭又于城內穿地橫截之。

晝夜相攻。拒二十餘日。郝昭字伯道。太原人。

會亮糧盡引去。魏將軍王雙追

亮。亮擊斬之。

吳大司馬呂範卒。

初孫策使範典財計。時吳王權年少。私從有求。範必關

白。不敢專許。及權守陽羨。

漢縣。今江南常州府宜興縣是。

長有所私用。

策或料覆。功曹周谷輒爲傳著簿書。使無譴問。權以是

望範而悅。谷及後統事。以範忠誠信任之。而谷能欺更

簿書不用也。至是以範爲大司馬。印綬未下而卒。

己酉七年。魏太和三年。吳黃龍元年。春。右將軍亮伐魏。拔武都。注見前。陰平。

漢縣。魏置郡。今復拜丞相。

夏四月。吳王孫權稱帝。

吳王權卽皇帝位。大赦。改元。百官畢會。權歸功于周瑜。

將軍張昭舉笏欲褒贊功德。未及言。權曰。如張公計。今

已乞食矣。昭大慙。汗。權追尊父堅爲武烈皇帝。兄策爲

長沙桓王。立子登爲太子。以諸葛恪爲太子左輔。張休

翼正。謝景范愼。羊衢等爲賓客。于是東宮號多士。太子

使侍中胡綜作賓友目。曰。英才卓越。則諸葛恪。精識時

機。則顧譚。疑辯宏達。則謝景。究學甄微。則范愼。羊衢私

駁之曰。元遜才而疏。子嘿精而狠。叔發辯而浮。孝敬深

而隱。恪等惡之。其後皆敗。如衢所言。謝景字叔發。南

陽人。范愼字孝敬。廣陵人。羊衢南陽人。衢古道字。胡綜

字偉則汝南固始人。餘見前。于是權使以並尊二帝來告。衆皆以爲

交之無益。而名體弗順。宜顯明正義。絕其盟好。丞相亮曰。權有僭逆之心久矣。國家所以略其釁情者。求犄角之援也。今若加顯絕。讎我必深。更當移兵東戍。與之角力。彼賢才尙多。將相輯睦。未可一朝定也。頓兵相守。坐而須老。使北賊得計。非算之上者。乃遣衛尉陳震字孝起。南陽人。賀吳。權與盟。約中分天下。

秋。七月。魏制。後嗣有由諸侯入奉大統者。不得顧私親。

詔曰。禮。王后無嗣。擇建支子。以繼大宗。則當纂正統而奉公義。何得復顧私親哉。其令公卿有司。深以前世行事爲戒。後嗣萬一有由諸侯入奉大統。則當明爲人後。

之義敢為佞邪導諛時君建非正之號以干正統謂考為皇稱姬為后則股肱大臣誅之無赦其書之金策藏之宗廟著于令典

九月吳遷都建業使上大將軍吳于大將軍之上陸遜輔

太子登守武昌

吳主權遷都建業皆因故府不復增改使上大將軍陸

遜輔太子登及尚書九官

九卿也

畱武昌

南陽劉廙常著先刑後禮論太

子賓客謝景稱之于遜遜呵景曰禮之長于刑久矣君子侍東宮宜遵仁義以彰德音若彼之談不須講也太子與西陵都督步騭書求見啟詢騭上疏曰人君不親小事使百官有司各任其職故舜命九賢則無所用心不下廟堂而天下治賢人所在折衝萬里信國家之利器崇替之所由也願重以經意則天下幸甚
劉廙字恭嗣南陽安衆人

冬十月。魏立聽訟觀。置律博士。

魏主叡常言。獄者天下之命。因改平望觀。

水經注。平望觀在華林園。

東為聽訟觀。每斷大獄。詣觀臨聽之。

初。魏文侯師李悝著法經六篇。蕭何

定漢律。益為九篇。後稍增至六十篇。又有令三百餘篇。決事比九百六卷。馬鄭諸儒章句。又十餘家。至是所當

用二萬六千餘條。七百七十餘萬言。乃詔但用鄭氏章句。李悝法經。胡三省曰。漢志。法家者流。李子三十二

篇。今言法經六篇。蓋其書有經有解也。九百六卷。程大昌曰。古書皆卷。至唐始為葉子。今書冊也。馬鄭謂馬融

鄭康成。尚書衛覬奏。刑法者國家之所貴重。而私議者之

所輕賤。獄吏者百官之所縣命。而選用者之所卑下。王

政之敝。未必不由此也。請置律博士。從之。

又詔司空陳羣等。刪約漢

法制。新律十八篇。州郡令四十五篇。尚書官令。軍中令。百八十餘篇。於正律九篇為增。於旁章科令為省矣。

庚戌

八年。魏太和四年。春二月。魏立郎吏課試法。尚書諸葛

誕字公休。琅邪陽都人。等以罪免。

魏尚書諸葛誕中書郎

胡三省注。即通事郎。魏置中書監。令又置通事郎。及晉改曰中

書侍

郎。鄧颺

字元茂。南陽人。

等結為黨友。更相題表。

以夏侯元

字太

初。尚

之子。等為四聰。誕輩為八達。

中書監劉放

字子棄。涿郡人。子熙

中書令孫資子密吏部尚書

亦魏

衛臻

字公振。陳留襄邑人。

子烈

以父居勢位。容之為三豫。

容三人得豫。品題之中也。

行司徒事董

昭上疏言之。

疏曰。竊見當今年少。不以學問為本。專以交遊為業。國士不以孝悌清修為首。乃以趨勢游利為先。合黨連羣。互相褒歎。以毀譽為罰戮。用

黨譽為爵賞。附己者則歎之盈言。不附者則作為瑕釁。至乃往來禁奧。交通探問。凡此諸事。皆法之所不取。刑之所不赦也。

魏主叡善其言。詔郎

吏學通一經。才任牧民。博士課試。擢其高第者。亟用。其

浮華不務道本者。罷退之。仍免誕。颺等官。

東漢清流取鑒不遠故董昭之說易行萬清流以草野抗薦紳此乃緣附貴介公子所謂每況愈下而其為人心風俗之害則均也

秋七月。魏寇漢中。丞相亮出次成固。漢縣。今曰城。屬漢中府。九月。魏

師還。

魏曹真以漢人數出。請由斜谷伐之。魏主叡詔司馬懿

泝漢水。由西城。漢縣。後漢末為郡。今陝西興安州治是。與真會漢中。諸將

或欲由子午谷。或欲由武威。胡三省曰。當作武都。陳羣以斜谷阻

險。轉運恐見鈔截。留兵則損戰士。不可。叡從羣議。真復

表從子午道。遂行。丞相亮聞魏兵至。次于成固赤坂。在今

漢中府洋縣龍亭山東。以待之。召李嚴使將二萬人赴漢中。表嚴子豐

為江州都督。典嚴後事。會天大雨。三十餘日。棧道斷絕。于是魏華

歆、楊阜、王肅。字子雍。朗之子。等皆以為言。叡乃詔真等班師。是歲

亮遣魏延西入羌中。與魏雍州刺史郭淮戰于陽谿。大破之。郭淮字伯濟。太原人。

辛亥九年。魏太和五年。吳黃龍三年。春二月。丞相亮伐魏。圍祁山。

先是。亮以蔣琬爲長史。亮數外出。琬常足食足兵。以相供給。亮每言。公琰託志忠雅。當與吾共贊王業者也。

自十月不雨。至于三月。

夏五月。亮敗魏司馬懿于鹵城。

注見前。

殺其將張郃。

魏遣司馬懿屯長安。督將軍張郃。郭淮等禦漢。亮分兵攻祁山。自逆懿于上邽。魏將郭淮等徼亮。亮破之。因大芟其麥。與懿遇于上邽之東。懿斂軍依險。兵不得交。亮引還。懿躡其後。至于鹵城。又登山掘營。不肯戰。賈詡魏平數請戰。曰。公畏蜀如虎。奈天下笑何。懿病之。乃使張郃攻南圍。漢圍祁山之南也。自按中道向亮。亮使魏延等逆戰。

字平曾受詔輔還而督糧
不繼更設計傾亮視國事
如秦越罪之宜耳但腹中
鱗甲不圖蘇張云云語涉
詭譎賢如孔明尚有此語
可知其時人心風俗也

魏兵大敗懿還保營亮以糧盡退軍懿遣郃追之至木

門與亮戰漢兵乘高發伏弩郃中飛矢卒亮之攻祁山

也命李嚴以

中都護署府事更名平會天霖雨平主督運恐糧不繼

遣參軍論指呼亮來還亮既退軍平乃更言軍糧饒足

何為而退欲殺督運以解不辦之責又表言軍偽退以

誘賊亮出其前後手書本末違錯平辭窮謝罪于是亮

表其前後過惡免官削爵土徙梓潼郡又與蔣琬董允

書曰孝起前為吾說正方腹中有鱗甲吾謂鱗甲者但

不當犯之耳不圖復有蘇張之事也梓潼漢縣後

漢末置郡于此今為縣屬四川綿州孝起陳震字

秋八月魏令其宗室王侯朝明年正月

魏黃初以來諸侯王法禁嚴切吏察之急親姻皆不敢

相問東阿王植上疏曰陛下惠洽椒房恩昭九族羣臣

恕已治人推恩施惠者矣至于臣者人道絕緒禁錮明

時婚媾不通兄弟乖隔又以一切之制永無朝覲之望

至于注心皇極結情紫闥神明知之矣願陛下沛然垂

詔使諸國慶問四節得展妃妾之家膏沐之遺歲得再

通則聖世無不蒙施之物矣。魏主叡報曰。諸國本無禁錮之詔。矯枉過正。下吏懼譴。以至于此耳。已敕有司。如王所訴。植復上疏曰。天下傾耳注目者。當權者是也。權之所在。雖疏必重。勢之所去。雖親必輕。故取齊者田族。非呂宗也。分晉者趙魏。非姬姓也。吉專其位。凶離其患。公族疏而異姓親。臣竊惑焉。叡優文答報而已。至是魏主叡詔曰。先帝著令。不欲使諸王留京都者。謂幼主在位。母后攝政。防微漸。關盛衰也。朕不見諸王十有二載。其令諸王及宗室公侯各將適子一人。朝明年正月。後有少主。母后在宮者。自如先帝令。

冬十月。吳人誘敗魏兵于阜陵。漢縣。晉後廢。故城在今江南滁州全椒縣。

吳主權遣中郎將孫布詐降于魏。以誘揚州刺史王淩。

字彥雲。太原祁人。伏兵阜陵以俟之。淩膽布書請兵迎之。征東

王淩為布所愚而滿寵能察其詐才識相去奚啻倍

從幸因寵能預防凌僅亡
其一旅魏明既遣寵還而
不能窮治凌之辜何以警
庸臣壞乃公事者

將軍滿寵以爲必詐。不與兵。會寵被書入朝。敕留府長
史。若凌欲往迎。勿與兵也。凌于後索兵不得。乃單遣一
督。將步騎七百人往迎之。布夜掩擊。死傷過半。先是凌
表寵年過耽酒。不可居方任。故魏主叡召之。既至。氣體
康彊。乃慰勞遣還。

十一月戊戌晦日食。

壬子

十年。魏太和六年。吳嘉禾元年。春三月。魏主叡東巡。

魏主叡幼女淑卒。叡痛之甚。追謚立廟。葬于南陵。取甄
后從孫黃與之合葬。追封黃爲列侯。爲之置侯襲爵。欲
自送葬。又欲幸許。司空陳羣。少府楊阜等皆諫。羣曰。八
禮所不備。况未期月而爲制服。舉朝素服。朝夕哭臨。自
古以來。未有此比。且又欲自往視陵。親臨祖載乎。願陛

下抑割有損無益之事。又聞車駕欲幸許昌。將以避凶。夫吉凶有命。禍福由人。移徙求安。其亦奚益哉。阜曰。文皇帝。武宣皇后崩。陛下皆不送葬。所以重社稷。備不虞也。何至孩抱赤子而送葬邪。不聽。

吳遣使如遼東。徙其騎都尉虞翻于蒼梧。注見前。

初。公孫康卒。子晃。淵皆幼。眾立其弟恭。久之。恭病。淵遂

脅奪其位。魏拜為揚烈將軍。遼東太守。淵陰懷疑貳。南

與吳通。至是。吳主權遣周賀等。乘海之遼東。從淵求馬。

時虞翻徙在交州。先是。翻性疎直。數有酒失。又好抵忤人。多見謗毀。吳主權嘗與張昭論神

仙。翻指昭曰。彼皆死人。而語神仙。世豈有仙人也。權積怒非一。遂徙翻交州。周賀等行。翻聞

之。以為去人財以求馬。既非國利。而遼東絕遠。往恐無

獲。欲諫不敢。作表以示呂岱。字定公。廣陵人。為人所白。復徙蒼

梧猛陵。漢縣。吳因之。故城在今廣西梧州府蒼梧縣。考吳交州。治南海郡。翻由南海而徙蒼梧。皆交

釣中大魚制而後牽此何等語其罪浮於而從後言者遠甚入而責敵不密出而責暨云儉邪變許一全是哉然敵必待屢意而後疏之其亦愚之甚矣

州地也。是秋魏將田豫由海道伐遼東不克。會賀等還豫以兵西擊于成山。在今山東登州府文登縣南海濱斬之。權始思翻言召之已卒。以其喪還。

魏以劉曄為大鴻臚。

魏侍中劉曄為魏主叡所親重。曄有膽智。善應變。叡將

朝臣皆諫。曄入贊議。則曰可伐。出與朝臣言。則曰不可。中領軍楊暨嘗諫伐蜀。叡曰。卿書生焉知兵事。暨謝曰。臣言誠不足采。劉曄先帝謀臣。蓋亦云然。叡曰。曄與吾言可矣。暨曰。請召質之。乃召曄至。問之。終不答。後因獨見。責叡曰。夫兵詭道也。未發不厭其密。陛下顯然露之。臣恐敵國已聞之矣。叡謝之。曄出。責暨曰。夫釣者中大魚。則縱而隨之。須可制而後牽。則無不得也。人主之威。豈徒大魚而已哉。子誠直言。然計不足采。不可不精思也。暨亦謝之。或謂叡曰。曄不盡忠。善伺上意。所趨而合之。陛下試反意而問之。與所問反者。是常與聖意合也。每問

皆同者。其情必無所逃矣。獻驗之。果得其情。從此疏焉。出爲大鴻臚。以憂死。

癸丑

十一年。

魏青龍元年。吳嘉禾二年。

春正月。青龍見魏摩陂。

注見井中。

二月。魏主獻往觀之。

改年曰青龍。以摩陂爲龍陂。

吳遣使拜公孫淵爲燕王。淵斬吳使者。獻首于魏。魏封淵爲樂浪公。

公孫淵遣校尉宿舒

宿本風姓。以國爲氏。

等奉表稱臣于吳。吳主

權大悅。遣太常張彌執金吾許晏等將兵萬人。金寶珍貨九錫備物。乘海授淵。封爲燕王。舉朝皆諫。以爲淵未可信。但可遣兵吏護送其使而已。權不聽。吳使至遼東。

淵知吳遠難恃。乃斬張彌等首。傳送于魏。魏拜淵大司

馬。封樂浪公。吳主權聞之大怒。將自征淵。陸遜辭綜字敬

文沛等。上疏切諫。權乃止。初。彌等至襄平。淵欲圖之。乃先分散其人衆。以中使秦旦。

張羣。杜德。黃彊等。六十人。置元菟。旦等議曰。吾觀此郡。形勢甚弱。若焚其城郭。殺其長吏。爲國報耻。然後伏死。

足以無恨。孰與偷生苟活。長爲囚虜乎。于是陰相結約。未發。爲人所告。旦等皆走。時羣病疽。創著。不能前。乃

推旦彊使前。德留守。羣採菜果食之。旦彊行數日。得達句驪。因宣權詔于其王位宮。位宮卽使人迎羣。德並遣

還吳。奉表稱臣。旦等至吳。皆拜校尉。句驪呼高句驪。位宮。漢高句驪王宮之曾孫。胡三省曰。句驪呼相似爲

位。以其似祖。故名位宮。

夏閏五月庚辰朔日食。

吳主權自將攻魏新城。合肥新城也。不克。

先是魏滿寵以合肥城南臨江湖。北遠壽春。請于其西

三十里依險立城。徙見兵固守。魏主叡從之。至是吳主權出兵欲圍新城。以其遠水。積二十餘日。不敢下船。滿寵謂諸將曰。孫權得吾新城。必于衆中有自大之言。今來雖不敢至。必當上岸耀兵。以示有餘。乃潛遣步騎六千。伏肥水隱處。權果上岸。伏軍卒起擊之。斬首數百。或有赴水死者。

以馬忠

字德信。閬中人。

爲庾亮都督。

水經注。寧州建寧郡。故庾亮都督屯。

建寧郡。今雲南曲靖府。

是。

庾亮降都督張翼。

字伯恭。犍爲武陽人。

用法嚴峻。夷帥劉胄叛。丞相

亮以叅軍馬忠代翼。召翼令還。或謂翼宜速。卽罪翼曰。吾臨戰場。代人未至。當運糧積穀。爲滅賊之資。豈可以

木牛流馬。其柄神奇。殊不
思巧工設機。只可炫異。
前豈能藉以任重。致遠西
法其明徵也。意亮當時軍
實未繕。馬牛或不給於
用。因權宜制器。以濟其窮。
不過如秋馬。繅車之類。非
假師幻人所可同日而道。

黜退之故。而廢公家之事乎。于是統攝不懈。代到乃發。

忠因其資破胃。斬之。忠亮濟有度。處事能斷。恩威並立。民夷畏而愛之。

甲寅十二年。魏青龍二年。吳嘉禾二年。春二月。丞相亮伐魏。

初。丞相亮勸農講武。作木牛流馬。其法皆用木為之。以機行止。詳見諸葛氏

集。杜佑通典載。運米積斜谷口。治邸閣。息民休士。三年

而後用之。至是。悉眾十萬。由斜谷伐魏。遣使約吳。同時

大舉。

三月。魏山陽公卒。

魏主素服發哀。諡曰漢孝獻皇帝。山陽公傳國至晉。永嘉中為胡寇所滅。

夏四月。魏大疫。

丞相亮進軍渭南。魏大將軍司馬懿引兵拒守。亮始分兵

屯田

丞相亮至郿。軍于渭水之南。司馬懿引軍渡渭。背水爲

壘以拒之。謂諸將曰。亮若出武功。

漢縣。後漢移于郿。故城在今縣西南。今縣

北周

時置。依山而東。誠爲可憂。若西上五丈原。

今在鳳翔府郿縣西南

諸將無事矣。亮果屯五丈原。郭淮曰。亮若跨渭登原。連

兵北山。隔絕隴道。搖蕩民夷。非國之利也。懿乃使淮先

據北原。塹壘未成。漢兵大至。淮逆擊却之。亮以前者數

出。皆以運糧不繼。使已志不伸。乃分兵屯田。爲久駐之

基。耕者雜于渭濱居民之間。而百姓安堵。軍無私焉。

五月。吳主權擊魏。秋七月。魏主叡自將擊卻之。

吳主權入居巢湖口。

湖一名焦湖。本巢縣地。後陷爲湖。周四百里。跨合肥。廬江。舒城。巢西。

孫吳人才周瑜而後當推
陸遜觀白圍之戰持以鎮
靜實不可及若瑾之舉措
驚皇適足債事耳

縣界有東口在巢縣西南水由此入江向合肥新城衆號十萬又遣陸遜

諸葛瑾入江夏沔口向襄陽孫韶張承字仲嗣昭長子入汜向

廣陵淮陰魏滿寵欲拔新城守致賊壽春魏主叡不聽

曰縱權攻新城必不能拔敕諸將堅守吾將自往攻之

時漢軍方出武功吳人謂魏主必不能遠出叡乃使秦

朗字元明新興人督步騎二萬助司馬懿拒漢自率水軍御龍

舟而東滿寵募壯士焚吳攻具吳吏士多病又聞叡至

遂退陸遜遣人奉表于權爲魏邏者所得諸葛瑾聞之甚懼與遜書令速去遜未答方催人種葑豆與諸

將夾其射戲如常瑾來見遜遜曰今兵將意動且當自定以安之施設變術然後出耳若便遽退賊謂吾怖而

來相蹙必敗之勢也乃密與瑾立計令瑾督舟船遜悉上兵馬以向襄陽城魏人素憚遜名遽還赴城瑾便引

船出遜徐整步伍張拓聲勢步趨船魏人不敢逼行到白圍托言往獵遣周峻等擊江夏新市安陸石陽斬獲

千餘人而還。白圍。胡三省注。立圍屯于白河口。故名。

白河。卽清水。源出河南嵩縣。流逕南陽。至湖北襄陽縣。

入漢。石陽。城名。在今湖北漢陽府黃陂縣。

八月。魏葬孝獻皇帝于禪陵。在今河南懷慶府修武縣北。

丞相武鄉侯諸葛亮卒于軍。長史楊儀字威公。襄陽人。引軍還。前

軍師魏延作亂。儀擊斬之。

亮數挑戰。懿不出。乃遺以巾幘婦人之服。懿怒。上表請

戰。魏主叡使衛尉辛毗杖節爲軍師以制之。姜維謂亮

曰。賊不復出矣。亮曰。彼本無戰情。所以固請者。以示武

于衆耳。將在軍。君命有所不受。有能制吾。豈千里而請

戰邪。亮遣使者至懿軍。懿問其寢食及事之繁簡。而不

親覽焉。所噉食不至數升。懿告亮。亮病篤。帝使僕射李福

開病。而使入諮大計。所
謂大計。孰有重於此者。福

豈宜忘且福卽不問亮亦
自當及之何待別去復還
耶此陳壽所以不入正史
特附見於楊戲讚中也

字孫德梓潼涪人。

省視因諮大計與亮語已別去數日復還亮

曰孤知君還意公所問者公琰其宜也福謝前實失不

諮請公百年後誰可任大事者故輒還耳又請其次亮

曰文偉可又問亮不答八月薨長史楊儀整軍而出百

姓奔告懿懿追之姜維令儀反旗鳴鼓若將向懿者懿

不敢逼于是儀結陳而去入谷然後發喪百姓爲之諺

曰死諸葛走生仲達懿聞之笑曰吾能料生不能料死

故也亮嘗推演兵法作八陣圖

在漢中府沔縣定軍山下其陳聚細石爲之各

六十四聚別有二十四聚作兩層每層各十二聚至今尚存又四川成都府新都縣北夔州府奉節縣南亦皆有八陣

圖遺跡至是懿案行其營壘歎曰天下奇才也追至赤

岸卽赤崖在漢中府褒城縣北

不及而還初前軍師魏延勇猛過人

善養士卒。每欲請兵萬人。與亮異道。會于潼關。如韓信故事。亮不許。延常謂亮怯。不能盡用已才。楊儀爲人幹敏。亮每出軍。儀規畫分部。籌度糧穀。咸取辦焉。延性矜高。當時皆下之。惟儀不假借。延以爲至忿。亮深惜二人之才。不忍偏廢也。及亮病篤。作退軍節度。令延斷後。姜維次之。延或不從。軍卽自發。亮薨。儀令費禕往揣延意。延曰。丞相雖亡。吾自見在。府親官屬。便可將喪還葬。吾自當率諸軍擊賊。云何以一人死。廢天下之事邪。且魏延何人。當爲楊儀作斷後將乎。儀等乃案亮成規引還。延果大怒。攬初銜反。自後爭前也。儀未發。率所領先歸。燒絕閣道。延。儀。各相表叛逆。一日之中。羽檄交至。帝以問董允。蔣

琬咸保儀而疑延。儀等槎山通道。晝夜兼行。亦繼延後。

延據南谷口。逆擊儀等。將軍何平。

胡三省注。印正平。本養外家何姓。後復姓。

王。此從其初姓。

于前禦延。叱先登曰。公亡。身尚未寒。汝輩何敢

乃爾。士卒知曲在延。皆散。延逃奔漢中。儀遣將斬之。夷

三族。始延欲殺儀等。冀時論以已代諸葛輔政。故不北

降魏而南擊儀。實無反意也。諸軍還成都。策贈亮印綬。

諡曰忠武。

初。亮表于帝曰。臣成都有桑八百株。薄田十

寸。臣死之日。不使內有餘帛。外有餘財。以負陛下。卒如

其所言。長水校尉廖立。自謂才名宜為亮副。怏怏怨謗。

亮廢立為民。徙之汶山。及亮薨。立垂泣曰。吾終為左衽

矣。李平聞之。亦發病死。平常冀復收已。得自補復。策後

人不能故也。廖氏。廖叔安之後。以國為

氏。立字公淵。武陵臨沅人。文山。注見前。

史臣曰。亮為相國。撫百姓。示儀軌。約官職。從權制。開誠

心。布公道。盡忠益時者。雖讎必賞。犯法怠慢者。雖親必

行狀卷之二十一
罰服罪輸情者。雖重必釋。游辭巧飾者。雖輕必戮。善無微而不賞。惡無纖而不貶。庶事精練。物理其本。循名責實。虛僞不齒。終於邦域之內。畏而愛之。刑政雖峻。而無怨者。以其用心平。而勸戒明也。可謂識治之良才。管蕭之亞匹矣。

以吳懿爲車騎將軍。督漢中。蔣琬爲尚書令。總統國事。

時新喪元帥。遠近危悚。琬拔處羣僚之右。旣無戚容。又

無喜色。神守舉止。有如平日。由是衆望漸服。吳人聞諸

葛亮卒。恐魏乘衰取蜀。增巴邱守兵萬人。一欲以爲救

援。二欲以事分割。漢人聞之。亦增兵永安。以備非常。帝

遣中郎將宗預。字德艷。南陽安衆人。使吳。吳主權問之。對曰。東益

巴邱之戍。西增白帝之守。皆事勢宜然。俱不足以相問

也。權嘉其抗直。禮之亞于鄧芝。

冬十一月。魏洛陽地震。

十三年。魏壽龍三年。吳嘉禾四年。春正月。中軍師楊儀有罪。廢徙漢

嘉。本漢青衣縣。後漢改曰漢嘉。蜀漢置郡。晉廢。故城在今四川雅州府雅安縣。自殺。

楊儀既殺魏延。自以爲宜代諸葛亮秉政。而亮平生密

指。謂亮平常密語諸僚佐。以儀狷狹。意在蔣琬。儀至成都。拜中軍

師。無所統領。儀自以年宦先琬。才能踰之。由是怨憤形

于言色。後軍師費禕省之。儀語曰。往者丞相初亡。吾若

舉軍就魏。處世寧當落度。徒落反。言失意也。如此邪。令人追悔。

不可復及。禕密表其言。詔廢儀爲民。徙漢嘉郡。儀至徙

所。復上書誹謗。下郡收之。自殺。

夏四月。以蔣琬爲大將軍。費禕爲尚書令。

魏延之叛。楊儀實激成之。繼復嫉琬秉政。怨憤不休。舉軍就魏。云與禕信。悔不聽禕通語。相似劉禪憤令能明正其悖逆之罪耶。

時軍國多事。祿省讀書記。舉目暫視。已究其意指。其速數倍于人。終亦不忘。

魏治洛陽宮。

魏主獻既作許昌宮。

宮有景福殿。在今河南許州東北。

又治洛陽宮。起

昭陽太極殿。

在洛陽故南宮。即漢崇德殿之地。

築總章觀。

高十餘丈。在太極殿前。

又欲平北芒。

注見前。

作臺觀以望孟津。衛尉辛毗諫曰。天

地之性。高高下下。今欲反之。既非其理。且若河水為害。

邱陵既夷。將何以禦之。獻乃止。

中書郎王基上疏曰。古

載舟亦所以覆舟。顏淵曰。東野子之御。馬力盡矣。而求

進不已。殆將敗矣。願陛下深察東野之敝。留意舟水之

喻。

王基字伯輿。山東萊人。水以是秋。洛陽承華殿災。

載舟。東野子御。俱見家語及荀子。

獻問太史令高堂隆。

風俗通。齊卿高恭仲。食采丁高曰。堂後以為氏。隆字升平。泰山人。

漢栢梁災而大起宮殿以厭之。事見前其義云何。對曰此

越巫所為。非聖賢之訓也。獻不納。復營之。更名九龍。通

穀水過殿前。為玉井。綺欄。蟾蜍含受。神龍吐出。使博士扶風馬鈞作司南車。水轉百戲。

即指南車。陵霄闕始構。有鵲巢其上。獻復以問隆。對曰。詩曰。

惟鵲有巢。惟鳩居之。今始構闕。而鵲巢之。天意若曰。宮

室未成。將有他姓制御之耳。夫天道無親。常與善人。此

不可不深防而審慮也。獻為之動容。獻耽于內寵。婦官秩石。擬百官之數。

自貴人以下。至掖庭灑掃。凡數千人。選女子知書者六人為女尚書。使典省外奏事。廷尉高柔諫曰。周禮天子

后妃以下。百二十人。既已盛矣。竊聞後庭之數。今復過之。聖嗣不昌。殆或由此。臣愚以為可妙簡淑媛。以備內

官之數。其餘盡遣還家。且以育精養神。專靜為寶。則螽斯之徵。可庶而致矣。獻報之曰。輒克昌言。他復以聞。獻

常著裙。被縹綾半袖。少府楊阜問曰。此于禮何法服也。獻默然。自是不法服。不見阜。阜又上疏欲省宮人。召御

府吏問其數吏對曰密禁不得宣露阜怒杖而數之曰國家不與九卿為密反與小吏為密乎獻聞而愈嚴憚之輒克昌言謂以昌言自克也謂說文曰小兒及蠻夷頭衣半袖即半臂也御府官名典宮婢少府屬

秋八月魏立子芳字蘭為齊王詢為秦王

魏主叡無子養二王為己子宮省事秘莫有知其所由

來者或曰芳任城王楷之子也楷威王彰子

魏張掖涌石負圖

張掖柳谷口水溢

漢晉春秋氏池縣大柳谷口夜激波湧溢氏池漢縣故城在今甘州府

山丹

涌石負圖狀象靈龜立于川西有石馬七及鳳凰

麒麟白虎犧牛璜璫八卦列宿孛之象又有文曰大

討曹魏主叡下詔班示以為嘉瑞任漢縣今屬直隸順德府令于

綽以問鉅鹿張臻

字子明鉅鹿人徙居任

臻曰神以知來不追既

文既曰大討曹猶詔班天下以為嘉瑞叡雖下愚肯為之哉於此可徵神野之

往。祥兆先見。而後廢興從之。今漢久亡。魏已得之。何所追興祥兆乎。此石當今之變異。將來之符瑞也。胡三省曰。後人以此為晉繼魏之徵。

丙辰十四年。魏青龍四年。吳嘉禾五年。夏四月。帝如渝。胡三省曰。卽漢渝氏道。明史地理志。

四川茂州有觀汶水。晉書音義汶讀與岷同。元和志大江。

門。兩山相對如闕。蜀後主登觀坂看汶水之流。卽此。旬日導江。唐縣故城在成都府灌縣觀坂之觀。音去聲。旬日

而還。

冬十月有星孛于大辰。

注見前。

又孛于東方。

魏司空陳羣卒。

羣前後數上封事。輒削其草。雖子弟莫知也。或議其居位拱默。及正始中。詔撰名臣奏議。朝士乃見羣諫事。皆

歎息焉。

魏令公卿舉才德兼備之士。

時司馬懿以兗州刺史王昶

字文舒太原晉陽人

應選昶為人謹

厚名其兄子曰默

字處靜

曰沈

字處道

子曰渾

字元冲

曰深

字道冲皆依謙實以見其意為書戒之曰吾以四者為名願

速成則疾亡晚就則善終朝華之草夕而零落松柏之茂隆冬不衰是以君子戒于闕黨也夫能屈以為仲讓以為得弱以為彊鮮不遂矣毀譽者愛惡之源而禍福之機也人或毀已當退而求之于身若已有可毀則彼言當矣無可毀則彼言妄矣當則無怨于彼妄則無害于身又何報焉諺曰救寒莫如重裘止謗莫如自修斯言善矣

月

十五年

魏景初元年吳嘉禾六年

春正月魏黃龍見以三月為夏四

高堂隆以魏得土德。故其瑞黃龍見。宜改正朔。易服色。以變民耳目。魏主叡從之。遂以建丑之月爲正。服色尚黃。牲用白。

夏六月。魏地震。

魏以陳矯爲司徒。

矯初爲尚書令。魏主叡常卒至尚書門。矯跪問曰。陛下欲何之。曰。欲案行文書耳。矯曰。此自臣職分。非陛下所宜臨也。若臣不稱職。請就黜退。叡慙而反。叡嘗問曰。司馬公忠貞。可爲社稷之臣乎。矯曰。朝廷之望也。社稷未之知也。尚書郎廉昭以才能得幸。好挾摘羣臣細過。以媚上。嘗奏尚書左丞罪。以矯當連坐。黃門侍郎杜恕曰。陛下憂勞萬幾。或親燈火。而庶事不康。刑禁日弛。原其所由。非特臣不盡忠。亦委任不專。而俗多忌諱。

曹叡方在而先定廟號可笑無過此者

故也。今上疏者毀人而陛下疑其私報所憎。譽人而陛下疑其私愛所親。左右或因之以進憎愛之說。遂使疏者不敢毀譽。至于政事損益。陛下當思所以廣朝臣之心。庸有道之節。反使如廉昭者。擾亂其間。臣恐大臣盡懼。遂將容身保位。坐觀得失也。杜恕字伯務。畿之子。

魏制三祖爲不毀之廟。

魏有司奏。武皇帝爲太祖。文皇帝爲高祖。今皇帝爲烈祖。三祖之廟。萬世不毀。詔從之。

皇后張氏崩。

冬十月。魏營圜方丘。南北郊。

陳祥道禮書。祀天子南郊。而地上之圜丘者。南郊之丘也。

丘。圜而高。所以象天。祭地于北郊。而澤中之方丘者。北郊之丘也。丘方而下。所以象地。馬端臨曰。魏立圜方丘。又有南北郊。此用鄭康成之說。其時康成所註二禮方行。王肅雖著論以攻之。人猶未宗其說也。考孔穎達禮疏。上肅丘郊各異。故馬氏之論如此。

魏用高堂隆議營洛陽南委粟山在今洛陽縣東南為圜丘。詔

曰漢承秦亂廢無禘禮。馬端臨曰禘有二名有大禘之禘大傳所謂不王不禘王者禘

其祖之所自出而以祖配之是也。有時禘之禘祭義所謂春禘秋嘗王制所謂天子祫禘諸侯禘一牴牾是也。

考明帝此詔蓋指大禘而言。曹氏世系出自有虞。今祀皇皇帝天

于圜丘以虞舜配。祭皇皇后地于方丘以舜妃伊氏舜

堯女也。配。祀天神于南郊以武帝配。祭地祇于北郊。

以武宣皇后配。考鄭氏祭法注禘謂祭昊天于圜丘也。王肅曰惟郊是祭天禘者宗廟之殷祭

也。其說又各不同。魏明帝分郊丘為二而合禘與圜丘為一是皆沿鄭氏之說也。

魏鑄銅人起土山于芳林園。在河南府故洛陽城中裴松之曰芳林園即華林園。魏齊

王芳即位因改名。

魏主叡徙長安鐘虞橐駝銅人。秦始皇製見前。承露盤。漢武帝製亦見

前于洛陽盤折聲聞數十里銅人重不可致留于雒城。

卽漢霸陵故城。大發銅鑄銅人二號曰翁仲列坐于司馬門外。

又鑄黃龍鳳凰置內殿前起土山于芳林園使公卿皆

負土樹雜木善草捕禽獸致其中。

司徒掾河東董尋上疏曰建安以來野戰

死亡或門殫戶盡雖有存者遺孤老弱若宮室狹小當廣大之猶宜隨時不妨農務况作無益之物哉陛下既

尊羣臣顯以冠冕載以華輿而使穿方舉土面目垢黑衣冠了鳥毀國之光以崇無益甚無謂也孔子曰君使

臣以禮臣事君以忠無忠無禮國何以立臣知言出必死而自比于牛之一毛生既無益死亦何損將奏沐浴

以待命獻曰尋不畏死邪主者奏收之詔勿問高堂隆上疏曰今吳蜀欲與中國爭衡若有人來告權禪並修

德政輕省租賦動容者賢事遵禮度陛下聞之豈不惡其如此而爲國憂乎若告者曰彼並爲無道崇侈無度

重其稅斂民不堪命陛下聞之豈不幸彼疲敝而取之不難乎今天下彫敝若有寇警臣懼版築之士不能投

命虜廷矣獻覽之曰觀隆此奏使朕懼哉尚書衛覲上疏曰昔漢武信神仙之道謂當得雲表之露以餐玉屑

故立仙掌以承高露。陛下通明。每所非笑。漢武有求于露。而猶尚見非。陛下無求于露。而空設之。不益于好。而糜費功夫。皆聖慮所宜裁制也。不聽。

魏光祿勳高堂隆卒。

隆疾篤。口占上疏曰。三代之有天下。歷數百載。尺土一

民。莫非其有。然癸辛縱欲。皇天震怒。宗國爲墟。豈伊異

人。皆明王之眚也。黃初之際。天兆其戒。異類之鳥育長

燕巢。

晉書五行志。黃初元年。未央宮中有燕生鷹。口爪俱赤。

此大異也。宜防鷹揚

之臣于蕭牆之內。可選諸王使典兵基時。鎮撫皇畿。翼

亮帝室。夫皇天無親。惟德是輔。民詠德政。則延期過歷。

下有怨歎。則輟錄授能。由此觀之。天下乃天下之天下。

非獨陛下之天下也。魏主叡手詔慰勞之。未幾而卒。

魏作考課法。不果行。

魏主叡深疾浮華之士。詔吏部尚書盧毓

字子嘉。植之子。曰。選

舉勿取有名。名如畫地作餅。不可啖也。毓對曰。名不足

以致異人。而可以得常士。常士畏教慕善。然後有名。非

所當疾也。愚臣既不足以識異人。又主者正以循名案

常為職。但當有以驗其後耳。古者敷奏以言。明試以功。

今考績之法廢。而以毀譽為進退。故真偽混雜。虛實相

蒙。叡納其言。詔散騎常侍劉劭

字孔才。廣平郡鄆人。

作都官考課

法七十二條。下百官議。

司隸崔林曰。周官考課。其文備矣。康王而下。遂以陵夷。蓋法存

乎其人也。且萬目不張。舉其綱。衆毛不整。振其領。若大臣任職。式是百辟。則孰敢不肅。烏在考課哉。黃門侍郎

杜恕曰。世有亂人。而無亂法。若法可專任。則唐虞不須稷契之佐。殷周無貴伊呂之輔矣。今欲使州郡考士。必

三載考績。唐虞所不廢。然
燕舜之量材授職。固不例
此觀於吁咈汝作之文。可
見此其義可為光識之。然
引而未發。故並錄其語。

由四科皆有事故。然後察舉。試辟公府。為親民長吏。轉以功次補郡守者。或就增秩賜爵。此最考課之急務也。臣以為便當顯其身。用其言。使為課州郡之法。法具施行。必有賞罰隨之。至于三公。坐而論道。內職大臣。納言補闕。誠使容身保位。無放退之辜。而盡節在公。抱見疑之勢。公義不修。而私議成俗。雖仲尼為課。猶不能盡一才。又況于世俗之人乎。司空掾傅嘏曰。建官均職。清理民物。所以立本也。循名責實。糾勵成規。所以治末也。本綱未舉。而造制末程。國畧不崇。而考課是先。懼不足以料賢愚之分。精幽明之理也。崔林。字德孺。河東人。傳嘏。字蘭石。北地泥陽人。**久之。事竟不行。**

司馬氏光曰。為治之要。莫先用人。而知人。聖賢所難也。故求之毀譽。則愛憎競進。而善惡混。考之功狀。則巧詐橫生。而真偽相冒。要其本在至公。至明而已矣。蓋公明者。心也。功狀者。迹也。為人上者。誠能不以親疏貴賤異其心。喜怒好惡亂其志。雖詢于人。而決之在己。雖求于迹。而察之在心。則羣下之能否。焯然形于目中。無所逃矣。安得豫為之法。而悉委有司哉。或曰。考績之法。唐虞所為。京房。劉劭。述而修之耳。曰。唐虞之官。居位久而受任專。立法寬而責成遠。非若房。劭。校米鹽之課。責旦夕之效也。事固有名同而實異者。不可不察也。

戊午延熙元年。魏景初二年。吳赤烏元年。春正月。魏遣太尉司馬懿擊公

孫淵。

初。魏使者至遼東。公孫淵設甲兵。為軍陳以見之。又數

對其國中賓客出惡言。魏主叡遣母邱儉。母邱。複姓。儉字仲恭。河東

聞喜人。齋壘書徵淵。淵遂發兵逆儉于遼隊。漢縣。後漢省。公孫度復置

故城在今奉天府海城縣。儉與戰不利。引軍還。淵因自立為燕王。改

元紹漢。置百官。誘鮮卑以擾北方。至是。魏主叡召司馬

懿于長安。使將兵四萬討遼東。叡謂懿曰。公孫淵將何

走。上計也。據遼東。拒大軍。其次也。坐守襄平。此成擒耳。

日。三者何出。對曰。惟明智能審量彼我。乃豫有所割棄。

此非淵所及。必先拒遼東。後守襄平也。曰。還往幾日。對曰。往百日。攻百日。還百日。以六十日為休息。如此一年。

足矣。淵聞之。復遣使稱臣求救于吳。吳人欲戮其使。羊衢曰。不可。是肆匹夫之

怒而捐霸王之計也。不如因而厚之。遣奇兵潛往以要其成。若魏伐不克。而我軍遠赴。是恩結還夷。義形萬里。若兵連不解。首尾之隔。則我虜其傍。吳主權勒兵謂淵邵。驕畧而歸。亦足以報雪曩事矣。吳主權勒兵謂淵使曰。請俟後問。當從簡書。語見左氏傳。同惡相拒之謂也。

二月。魏以韓暨字公至。南陽堵陽人。為司徒。

魏主叡問盧毓。誰可為司徒者。毓薦處士管寧。叡不能用。更問其次。對曰。敦篤至行。則大中大夫韓暨。亮直清方。則司隸崔林。貞固純粹。則太常常林。乃以暨為之。

立皇后張氏。

立子璿字文衡。為皇太子。

大司農孟光。

字孝裕。洛陽人。

問太子讀書及性情。好尚于秘書。

郎郤正。

字令先。偃師人。

正曰。奉親虔恭。舉動仁恕。有古世子之

風光曰。此皆家戶所有耳。吾欲知其權畧智調何如也。
正曰。世子之道。在于承志竭歡。既不得妄有施爲。智調
藏于胸懷。權畧應時而發。此之有無。焉可預知也。光曰。
今天下未定。智意爲先。儲君讀書。寧當效吾等竭力博
識。以待訪問。如博士探策講試。以求爵位邪。當務其急
者。正深然之。

吳鑄當千大錢。

吳先鑄大錢。一當五百。及是。又鑄當千大錢。

秋八月。魏司馬懿破襄平。斬公孫淵。

六月。司馬懿軍至遼東。公孫淵使其將卑衍

卑氏卑耳國之後

等。將步騎數萬。屯遼隊。圍斬二十餘里。諸將欲擊之。懿

五銖輕重適中行之最爲無弊周景王鑄大錢不久即廢乃幣重之明驗也圖法流通貴乎利用直可且不可況當千乎

曰。此欲以老吾兵也。攻之。正墮其計。且賊大衆在此。其巢窟空虛。直指襄平。破之必矣。乃多張旗幟。欲出其南。衍等盡銳趣之。懿潛濟水出其北。直趣襄平。衍等恐。引兵夜走。諸軍進至首山。在奉天府遼陽州西南。淵使衍等逆戰。懿擊大破之。遂進圍襄平。秋大霖雨。遼水暴漲。雨月餘不止。平地水數尺。三軍恐。欲移營。懿令軍中敢有言徙者。斬。都督令史犯令。斬之。軍中乃定。已。雨霽。懿乃作土山地道。楯櫓鈎衝。晝夜攻之。矢石如雨。淵窘急。糧盡。人相食。死者甚衆。其將楊祚等降。淵使其相國王建等請解圍。却兵。當君臣面縛。懿命斬之。檄告淵曰。楚鄭列國。而鄭伯猶肉袒牽羊迎之。孤天子。上公。而建等欲孤解圍退舍。傳言失指。已爲斬之。孤若意有未已。可更遣有明決者來。淵復使侍中衛演。乞克日送任。懿曰。軍事大要有五。能戰當戰。不能戰當守。

不能守當走。餘二事但有降與死耳。汝不肯面縛。此為決就死也。不須送任。任。質子也。既而城潰。

淵與子修將數百騎突圍走。懿擊斬之。遂入城。傳淵首。

洛陽。于是遼東帶方。本漢縣。公孫氏置為郡。樂浪。元菟。四郡皆平。

始公孫度以漢中平六年據遼東。至淵三世。凡五十年而滅。

冬十二月。蔣琬出屯漢中。

詔命琬總帥諸軍。須吳舉動。東西掎角。以乘魏釁。

魏主叡有疾。立郭夫人為后。召司馬懿入朝。以曹爽。字昭伯。真

子。為大將軍。

初。魏太祖以劉放。孫資為秘書郎。文帝更秘書曰中。

書。以放為監。資為令。遂掌機密。魏主叡即位。尤見寵任。

時親總萬幾。數興軍旅。腹心之任。皆二人管之。每大事。

朝臣會議常令決其是非擇而行之中護軍蒯濟上疏曰臣聞大臣太重

者國危左右太親者身蔽陛下既已察之于大臣願無忘之于左右左右忠正遠慮未必賢于大臣至于便辟

取合或能工之况實握事要在目前倘因疲倦之間有所割制推移賞罰因微而人緣形而出意所狎信不

復猜覺此宜早以經意也及寢疾深念後事乃以武帝子燕王

字彭祖為大將軍夏侯元曹爽曹肇字長思秦朗等輔

政劉放孫資久典機任元肇心不平殿中有鵝棲樹二人相謂曰此亦久矣其能復幾放資懼陰圖間之

字性恭良陳誠固辭叡引放資入卧內問曰燕王正爾

為言其性恭良為事正如此也對曰燕王實自知不堪大任故耳叡

曰誰可者時惟爽在側放資因薦之且請召司馬懿與

相參叡從之既而中變放資復入說又從之放請為手詔叡曰我

爽爲大將軍。叡嫌其才弱。拜尚書孫禮。

字德達。涿郡容城人。

爲長

史以佐之。時懿在汲。宇以爲關中事重。宜遣懿還長安。

事已施行。至是復得手詔。前後相違。懿疑京師有變。乃

疾驅入朝。

己未二年。

魏景初三年。吳赤烏二年。

春正月。魏司馬懿至洛陽。與爽受遺

輔政。魏主叡卒。太子芳立。

司馬懿至洛陽。入見。魏主叡執其手曰。吾以後事屬君。

君與曹爽輔小子。死乃可忍。吾忍死待君。得相見無恨

矣。乃召二王示懿。別指齊王芳曰。此是也。君諦視之。勿

誤也。又教芳前抱懿項。懿頓首流涕。于是芳年八歲。卽

日立爲太子。叡尋卒。芳嗣位。尊皇后爲皇太后。爽懿並

加侍中。都督中外諸軍。錄尚書事。諸所興作。皆以遺詔罷之。

二月。魏以司馬懿為太傅。何晏字平叔。進之孫。為尚書。

時曹爽司馬懿各領兵三千人。更宿殿內。爽以懿年位

素高。常父事之。每事諮訪。不敢專行。初。畢軌字昭先。東平人。鄧

颺李勝字公昭。南陽人。何晏字謚。沛國人。皆有才名。而急于富

貴。趨時附勢。明帝惡其浮華。抑而不用。曹爽素與親善。

及輔政。驟加引擢。以為腹心。晏等為爽謀曰。重權不可

為太傅。外以名號尊之。內令尚書奏事。先來由已。得制其輕重。爽從之。二月。以懿為太傅。

自以其弟義訓等皆為將軍侍從。出入禁闥。徙吏部尚

書盧毓為僕射。而以晏代之。以颺謚為尚書。軌為司隸。晏等依勢用事。附會者升

進。違忤者罷退。內外望風莫敢忤者。傅嘏謂義曰。何不
叔外靜內躁。鉅巧好利。必先惑子兄弟。仁人將遠而朝
政廢矣。晏等遂因事免。嘏官。孫
禮亮直不撓。爽出為揚州刺史。

夏以蔣琬為大司馬。

東曹掾楊戲

字文然。犍為武陽人。

素簡畧。琬與言論。戲時不應。或

謂琬曰。戲慢公矣。琬曰。人心不同。各如其面。面從後言。

古人所誠。戲欲贊吾是耶。則非其本心。欲反吾言。則顯

吾之非。是以默然耳。

督農楊敏嘗毀琬曰。作事憤憤。誠不及前人。或以白琬。主者請問。憤憤之狀。琬

之。琬曰。吾實不及前人。無可推。主者請問。憤憤之狀。琬曰。苟其不如。則事不理。事不理。則憤憤矣。後敏坐事繫

獄。衆猶懼其必死。琬心無適莫。敏得免重罪。

冬十月。吳遣將軍呂岱屯武昌。

岱時年八十。躬親王事。與陸遜同心協規。有善相讓。南

土稱之。

是冬。吳將廖式殺臨賀太守。攻零陵。桂陽。諸郡。臨賀。漢縣。吳置郡。今。星夜兼進。遂擊斬式。郡縣悉平。

廣西平樂府賀縣是。

十二月。魏復以建寅之月為正。

庚申三年。

魏主曹芳正始元年。吳赤烏三年。

春。以張嶷

字伯岐。巴西南充人。

為越嶲太

守。

初。丞相亮既歿。越嶲蠻夷數叛。殺太守。太守寄治安定

縣。

胡三省注。安定不。見于志。當是暫立。

去郡八百餘里。及嶷為守。招慰新

附。誅討彊猾。郡界悉平。復還舊治。

冬。吳饑。

辛酉四年。

魏正始二年。吳赤烏四年。

夏四月。吳人攻魏。魏擊却之。

吳主權伐魏。命全琮畧淮南。決芍陂。朱然圍樊。諸葛瑾

攻柵中。

襄陽記。柵讀如利。在土黃界。上黃故城。在襄陽府南漳縣。

魏將軍王凌與琮

戰敗之。司馬懿曰。柵中民夷十萬。

胡三省注。魏時夷王權敷部曲萬餘家屯

此土地平敞宜桑麻。為汚南沃壤。

流離無主。樊城被攻。歷月。此危事也。

請自討之。遂督諸軍救樊。吳軍夜遁。

蔣琬徙屯涪。

即涪城。注見前。

琬以諸葛亮數出秦川。道險運難。卒無成功。乃多作舟

船。欲乘漢沔東下。襲魏興。

即西城郡。魏興。注見前。

上庸。會疾動。

未行。朝廷咸以為事有不捷。還路甚難。帝遣費禕姜維

喻指。琬言今魏跨帶九州。根蒂滋蔓。若東西并力。首尾

掎角。雖未能速得如志。且當分列蠶食。摧其支黨。然吳

期二三。連不克果。輒與禕等議。以涼州胡塞之要。進退

有資。且羌胡乃心思漢如渴。宜以維爲刺史。若維征行。銜制河右。臣當帥軍爲繼。今涪水陸四通。惟急是應。若東北有虞。赴之亦易。請徙屯涪。帝從之。

魏置淮南北屯。屯田。廣漕渠。

魏欲廣田畜穀于揚豫之間。使尚書郎鄧艾

字士載。棘陽人。行

陳

注見前。項。漢縣。今陳州府項城縣是。

已東。至壽春。艾以爲太祖破黃

巾。因爲屯田。積穀許都。以制四方。今三隅畧定。事在淮南。每大軍出征。運兵過半。功費巨億。陳蔡之間。上下田畝。可省許昌左右稻田。并水東下。令淮北屯二萬人。淮南三萬人。什二分休。常有四萬人。且田且守。益開河渠。以增灌漑。通漕運。計除衆費。歲完五百萬斛。六七年間。

可積三千萬斛于淮上。此則十萬之衆五年食也。以此乘吳無不克矣。司馬懿善之。是歲始開廣漕渠。每東南有事。大軍泛舟達于江淮。資食有儲而無水害。

管寧卒于魏。

寧名行高潔。人望之者邈然不可及。卽之熙熙和易。能因事導人于善。人皆化服。年八十四卒。天下知與不知。聞之無不嗟歎。

壬戌

五年。魏正始三年。吳赤烏五年。春正月。中監軍姜維自漢中徙屯涪。

諸軍皆屬蔣琬。維領偏軍。

癸亥

六年。魏正始四年。吳赤烏六年。夏五月朔日食。既。三國志失書甲子。

冬十月遣前監軍王平督漢中。

蔣琬住涪。疾益甚。乃以平督漢中。

甲子七年。魏正始五年。吳赤烏七年。春三月。魏曹爽寇漢中。費禕督諸軍

救之。魏軍敗走。

魏征西將軍夏侯元爽姑子也。辟李勝為長史。勝及鄧

颺欲爽立威名于天下。勸使伐蜀。司馬懿止之。不得三

月。爽至長安。發卒十餘萬。與元自駱谷。在西安府盩厔縣西南。寰宇記

駱谷道南通洋州興勢縣。入漢中。漢中守兵不滿三萬。諸將皆恐。欲

守城不出。以待涪兵。王平曰。此去涪垂千里。賊若得關。

便為深禍。遂遣護軍劉敏。泉陵人。據興勢。山名。在洋縣北。後魏于此置興

勢縣。唐改曰興道。元省。多張旗幟。彌亘百餘里。閏月。帝遣費禕救

漢中。將行。光祿大夫來敏詣禕別。求共圍基。時羽檄交至。人馬環甲。嚴駕已訖。禕與對戲。了無倦色。敏曰。

曹爽興師不以正且失地勢故禕得用逸代勞耳若以從容圖基為足能辦賊

器量較謝安矯情鎮物猶為不及矣

子賤鳴琴而單父治巫馬期日夜不處而單父亦治此久為記載家語套語

向聊觀試君耳。君信可人。必能辦賊也。來敏字叔達新野人魏兵距興執不得進。關

中及氏羌轉輸不能供。牛畜多死。民夷號泣道路。司馬

懿與夏侯元書曰。春秋責大德重。言責任之大者。其恩尤為重也。今興

執至險。蜀已先據之。若進不獲戰。退見迫絕。覆軍必矣。

將何以任其責。元懼。言于爽。遂引軍還。費禕進據三嶺。

胡三省注。自駱谷出扶風。隔以終南山。其間有三嶺。一曰沈嶺。一曰衙嶺。一曰分水嶺。以截爽。爽

爭險苦戰。僅乃得過。失亡甚眾。關中為之虛耗。

夏四月丙辰朔日食。

冬以費禕兼益州刺史。董允守尚書令。

蔣琬以病固讓州職于禕。禕當國。功名畧與琬比。禕為尚書

令時常以朝晡聽事。其間接納賓客。飲食博戲盡人之歡。而事不廢闕。及允代禕。始欲敦之。旬日之中。已多愆

、
偉雖才高。于允其不逮諸
葛其明諸葛猶孜孜奉國
食少事繁而祿乃欲以清
淨名區豈可為法

滯。乃歎曰。人才相遠如此。非吾所
及也。乃聽事終日。而猶有不暇焉。

乙丑

八年。魏正始六年。吳亦烏八年。春。吳殺其太子太傅吾粲。吾氏夏昆

字孔休。吳郡烏程人。

先是。吳太子登卒。吳主權立子和。字子孝。為太子。霸字子威。

為魯王。霸和同母弟也。權愛之。與太子同宮。禮秩如一。

羣臣多以為言。權乃命分宮別僚。二子由是有隙。全琮遣其

子寄事魯王。陸遜謂曰。子弟苟有才。不憂不用。私出以要榮利。終取禍耳。聞二宮勢敵。此古人之深忌也。寄果

阿附交構。琮不能禁。霸曲意交結名士。嘗自詣將軍朱績。字公緒。然之子。

績不納。于是賓客侍從。仇黨疑貳。滋延大臣。舉國中分。

權長女適全琮。少女適朱據。全公主與太子母王夫人

有隙。權寢疾。遣太子禱長沙桓王廟。太子如叔父張休

居近廟。邀太子過所居。公主因言太子不至廟中。專就

人以憂死。

朱

太子寵日衰，霸黨楊竺

廣陵人。

全寄從而

毀之。權惑焉。陸遜諫曰：「正統藩臣，當使寵秩有差。則彼

此得所。上下獲安。」書三四上。辭情危切。權不悅。吾粲請

使魯王鎮夏口。出楊竺等不得在京師。又數以消息語

陸遜。霸竺譖之。吳主怒。誅粲。

時陸遜外甥顧譚亦以言太子事見徙。權遣使數責

問遜。遜憤恚而卒。

秋八月，皇太后吳氏崩。

冬十一月，大司馬蔣琬卒。

諡曰恭。

琬卒，帝始自親國事。

十二月，尚書令董允卒。以宦者黃皓為中常侍。

董允秉性公亮，獻替盡忠。帝甚嚴憚之。宦人黃皓便辟。

佞慧有寵。允數責之。皓畏允不敢為非。終允之世。位不

過黃門丞。費禕以選曹郎陳祗。字奉宗。南陽人。代允為侍中。祗

多技藝。挾智數。禕以為賢。越次用之。祗與皓相表裏。皓

始預政。遷中常侍。操弄威柄。終以覆國。時帝數出遊觀。增廣聲樂。太子

家令譙周諫曰。昔世祖初入河北。馮異勸之曰。當行人所不能為者。遂理冤獄。崇節儉。北州歌歎。聲布四遠。故

能以弱為彊。而成帝業。今漢遭厄運。天下三分。臣願陛下復行人所不能為者。以副人望。且憂責在身者。不暇

盡樂。願省減樂官。及後宮凡所增造。以成先帝之志。不聽。譙周字允南。西充國人。

丙寅九年。魏正始七年。吳赤烏九年。秋。赦。

大司農孟光于眾中責費禕曰。赦者偏枯之物。非明世

所宜有也。必不得已。乃可權而行之。今有何急。而數施

非常之恩。以惠姦宄乎。禕顧謝踧踖而已。初丞相亮時有言。公惜赦。

者。亮答曰。治世以大德。不以小惠。故匡衡。吳漢。不願為
赦。先帝亦言。吾周旋陳元方。鄭康成間。每見啟告。治亂
之道悉矣。曾不語赦也。若劉景升父子。歲歲赦宥。何益于治乎。

以姜維為衛將軍。與費禕並錄尚書事。

時涼州胡王白虎文。治無戴。

胡三省注。羌胡有治姓。

等率眾來降。

維以兵迎之。遂徙于蜀。

丁卯十年。

魏正始八年。吳赤烏十年。

春二月朔日食。

三國志失書甲子。

魏遷其太后于永寧宮。

曹爽用何晏等謀。遷太后。擅朝政。多樹親黨。司馬懿不

能禁。遂稱疾不與政事。

胡三省曰。據魏志。太后稱永寧宮。非徙也。晉諸臣欲增曹爽之

惡。以遷字加之耳。

戊辰

十一年。

魏正始九年。吳赤烏十一年。

夏四月。魏以徐邈

字景山。為司

空不受。

邈先爲涼州刺史。務農積穀。立學明訓。進善黜惡。州界肅清。及是以光祿大夫拜司空。邈歎曰。三公論道之官。

無其人則闕。豈可以老病忝之哉。遂固辭不受。邈與田

清節稱。豫爲衛尉。屢乞遜位。司馬懿書喻之。豫答曰。年過七十而以居位。譬猶鐘鳴漏盡。而夜行不休。是罪人也。遂固稱疾篤。豫。邈。俱以大夫卒于家。

五月。以費禕出屯漢中。

自蔣琬及禕。雖身居于外。慶賞威刑。皆遙先諮斷。然後乃行。並承諸葛亮之成規。遵循不易。

氏許並承前嘉其之知賦雖不長

自蘇軾入高麗良甚于代與貴妃所治致大補遺

正曰以豐翰出亦與中

此以大夫在

蘇軾十而口清其當能能制誠而外心不其其人

無其人何國豈可以其不之若也國雖小受其

肅然交其以共潮大夫其何望也日三公領道之官

雖夫為就其陳史濟其蘇軾立也而職其善與惡

至不受

